

四庫全書

子部

欽定四庫全書

子部

御定淵鑑類函卷九十八

詳校官宗人府府丞_臣實允萬

主事_臣祁韻士覆勘

總校官檢討_臣何思鈞

校對官中書_臣胡紹基

謄錄監生_臣劉耀馥

欽定四庫全書

御定淵鑑類函卷九十八

設官部三十八

東宮官總裁
太子太師

太子六傅總裁
太子太傅

太子太保

增太子少師

太子少傅

增太子少保

太子賓客

太子詹事

丞

主簿

司直附

太子中庶子

中允

左右贊善

左右諭德

太子洗馬

增司直郎

司議郎附

中舍人

太子洗馬

太子舍人

通事舍人附

崇文館學士

文學

校書

正字附

東宮官總裁一

原杜氏通典曰凡三王教世子必以禮樂樂所以修內

禮所以修外禮樂交錯於中發形於外是故其成也懌

恭敬而溫文

中心也懌悅也

立太傅少傅以養之欲其知父子

君臣之道也

言養者積浸成長也

太傅審父子君臣之道以示之

少傅奉世子以觀太傅之德行而審諭之

謂說其義也

太傅

在前少傅在後

謂其在學時也

入則有保出則有師

謂燕居出入時也漢

班彪上書曰昔成王為孺子出則周公召公史佚入則太顛闔天南宮适散宜生左右前後皆正人也

是

以教諭而德成也秦漢以下始加置詹事中庶子及諸

府寺等官亦有以他官而監護者

後漢順帝立太子居承光宮以待御史种

曷監護有中常侍卒乘衣車來載太子太子太傅高寢
憂懼不能止開門將出而曷至手劔當車曰太子國之
儲副天命所繫常侍來無尺一何以得將太子去何知
不與內寵奸臣共挾邪謀今日之事有死而已乃遣褒
詣臺啓白得中
決勅乃聽之
自魏明帝以後久曠東宮制度闕廢官

司不具

吳孫權即位孫登為太子兼置四友等官以諸葛恪為左輔張休為右弼顧譚為輔正都尉陳

表為翼正都尉是為四友於是東宮號為多士晉初詹事左右率庶子中舍人

諸官並未置唯置衛率令典兵二傅并攝衆事至咸寧
元年始置詹事以領宮事宋孝武置東宮率更令等官
其中庶子庶子中舍人舍人洗馬各減舊員之半後周

加置太子諫議員四人至隋罷詹事分東宮置門下坊

典書坊

北齊已有典書坊

以分統諸局

比門下內史二省

門下坊有左

庶子二人內舍人四人錄事二人統司經宮門內直典

膳藥藏齋師等六局典書坊有右庶子二人舍人通事

舍人各八人領內坊唐置詹事府以統衆務置左右二

春坊以領諸局

龍朔二年改門下坊為左春坊典書坊為右春坊咸亨初復舊景雲元年又改

為左春坊置左庶子二人中允二人司議郎四人錄事

二人左諭德一人左贊善大夫五人崇文館校書郎八

人亦統六局

六局之中唯改齊師為典設餘局名與隋同其六局長官唯司經置洗馬宮門置大

夫餘各置監以局名冠之所冠如其名龍朔中改宮門大夫如諸監並為郎遂為永制也右春坊置

右庶子二人中舍人二人舍人四人錄事二人右諭德

一人右贊善大夫五人通事舍人八人兼領內坊

內坊置典

內二人掌閣內諸事諸坊局小吏各有差

因隋制也

增文獻通考曰宋東

宮有六傅下至率更令僕古官存而無職司至道元年

建儲闡置賓客二人左右庶子諭德中舍各一人並以

他官兼充左右春坊鑄印置吏員及太子登極則省春

坊司累朝皆然真宗在東宮建堂習射名繼照堂有勾

當官三人

以諸司使及內侍充

仁宗在東宮肄學建堂名資善堂

有都監一人

以入內侍都知班充

宋史曰資善堂有翊善贊讀

直講說書皇太子宫小學教授資善堂小學教授等官

翊善贊讀直講皆舊制說書而下中興以後增置資善

堂自仁宗為皇子時為肄業之所每皇子出就外傳選

官兼領元豐八年哲宗初開講筵詔講讀官日赴資善

堂以雙日講讀仍輪一人宿直靖康時詔皇太子出就

外傳就資善堂置學舍令國子監供監書至紹興時孝
宗封建國公出就資善堂聽講先是宰臣趙鼎得旨於
宮門內造書院至是始成以為資善堂命儒臣為直講
翊善悉如資善故事以左史范冲充翊善右史朱震充
贊讀時稱極選孝宗淳熙七年皇孫英國公始就傳詔
置皇太子宮小學教授一員 續文獻通考曰遼南面
東宮三師府太子賓客院太子詹事院左右春坊司經
局太子家令寺太子率更寺太子僕寺太子左右衛率

府北面有皇太子惕隱司掌皇太子宫帳之事著帳郎
君院內設皇太子祇應司金天德四年始定制宮師府
三師三少詹事院詹事三寺十率府皆隸焉左右諭德
為東宮僚屬有左右贊善司經正副典食令丞

屬詹事院掌

飲令丞

屬宮師府

內直郎家令丞僕正左右衛率府

皆屬宮師府

元大德十一年置宮師府至元十五年初立詹事院以

諤勒哲為右詹事賽音為左詹事副詹事詹事丞院判各
二員別置宮臣賓客二員左右諭德左右贊善各一員

校書郎二員中庶子中允各一員三十一年太子薨乃以院之錢糧選法工役悉歸太后位下改為徽政院以掌之天歷元年改為儲慶使司未幾改為儲政院置院使僉院同僉院判司議長史等官至正十三年復立詹事院順帝至正七年立端本堂以李好文為太子諭德歸暘為贊善張仲為文學皇太子以是日入肄業托克托領端本堂事端本堂虛中以俟至尊臨幸太子與師傅分東西向坐授書其下僚屬以次列坐有家令司置家

令丞各二人典膳署珍藏文成供須三庫柴炭局備用
庫嘉醞局典倉署備物等庫皆屬焉左右衛率府置率
使副使僉事等官至大元年撥江南行省萬戶府精粹
漢軍為東宮衛軍凡侍衛總管儀衛等司皆屬焉明洪
武初置大本堂取古今圖書充其中召四方名儒教太
子親王諸儒專經面授分番夜直已而太子居文華堂
諸儒臣迭班侍從又選才俊之士日充伴讀是時東宮
官有同知詹事院事副詹事左右詹事丞左右率更令

率府使副使諭德贊善文學中舍正字侍正洗馬庶子
皆勲舊大臣兼之不別設府僚十四年設左右司直郎
左右清紀郎十五年置左右春坊各設大學士又置司
經局設洗馬校書正字二十二年以官聯無統始置詹
事院二十五年改院為府置詹事一人少詹事二人丞
二人其屬主簿錄事各一人通事舍人二人其左右春
坊置大學士一人庶子諭德中允贊善各一人司直郎
清紀郎司諫各一人司經局置洗馬一人校書二人正

字二人本府堂上官與翰林院官互兼職事凡講讀纂
修考試等官皆與本院同坊局雖各有印然事則詹事
統之自永樂定鼎北京以後南京詹事府不設官止設
主簿一員

東宮官總載二

原詩宋顏延之直東宮荅鄭尚書道于詩曰皇居體環
極設險祗天工兩闌阻通軌對禁限清風

原箴晉溫嶠侍臣箴曰勿謂其微覆簣成高勿謂其細

巨由纖毫故曰善不積不足以成名話言如絲而萬里
來享無以處極而利在永貞是以太子之在東宮均士
抗禮以卑厥情入學齊齒言稱先生不以言自臧不以
貴為榮思有虞之烝烝尊周文之翼翼晨昏靡違夙興
宴息師傅是瞻正人在側屏彼佞諛納此亮直故傳敬
德義臣思盡忠或稽古訓導惟道之不融或造膝詭辭
懼咎之蘊崇惴惴兢兢思二雅之遺風鑒乎九三天祿
永終近臣司規敢告常從

增論明王鏊論東宮官曰今國家之東宮官以序進未必皆天下之選學之日晨而授書授畢而退日中進講講畢而退況祁寒暑雨學皆間歇間歇之日所與宴遊者誰歟所與居處出入者誰歟不可得而知也又近世之弊患在上下不交然為太子亦且未同於為君今則儼然端默有言且不敢進又況為君之日乎求上下交而德業成胡可得也國初建大本堂取古今圖書充其中延四方名儒教太子親王分番夜直時時賜宴賦詩

講論文學無虛日仁宗于潛邸宴勞東宮之官如家人
父子有從學詩學表至有以暗遂明之喻則本朝之初
未嘗如今制也英宗幼冲當時大臣無深識遠慮阿時
所好名為尊君卑臣非祖宗之法本然今雖未能如古
之制亦宜稍略君臣之儀敦師友之分使宮僚日侍左
右從容誦讀講讀之暇宴飲出入起居皆得周旋其間
至暮乃退宮僚有失從三師糾正之斥逐邪人不使得
預其間如此所謂一人元良萬方以貞三代所以長久

者用此道也

太子六傳總載一 三太三少

原杜氏通典曰太子師保二傳殷周已有

二傳謂太傅少傅詩小弁

篇太子之傳作焉以刺幽王弁音步干反

逮乎列國秦亦有之

孝公時商鞅設法黥太子

師傳是也

漢高帝以叔孫通為太子太傅位次太常後亦有

少傅

夏侯勝字長公為太傅卒官太子以嘗受尚書於勝素服五日以報師傳之恩儒者以為榮 又萬

石君石奮韋元成丙吉並為太傅

後漢太傅禮如師不領官屬而少傅

主太子官屬漢魏故事太子於二傅執弟子禮皆為書

不曰令少傅稱臣而太傅不臣晉太始三年武帝始建
置東宮各置一人尚未置詹事官事無大小皆由二傅
少傅立草太傅書真以為儲訓並有功曹主簿五官秩
與後漢同皇太子先拜諸傅然後答之如弟子事師之
禮二傅不得上疏曲敬武帝以儲副體尊遂命諸公居
之以本位重故或行或領時侍中任愷武帝所親敬復
使領之蓋一時之制也咸康元年以給事黃門侍郎楊
珧為詹事掌宮事二傅不復領官屬及楊珧為衛將軍

領少傅復省詹事遂崇廣傳訓命太尉賈充領太保司

空齊王攸領太傅所置吏屬復如舊二傅皆進賢兩梁

冠黑介幘五時朝服佩水蒼玉其後太尉汝南王亮車

騎將軍楊駿司空衛瓘石鑒皆領傅保猶不置詹事以

終武帝之代惠帝元康元年復置詹事

二傅給菜田六頃田騶五十人

夏後不及田者食俸一年又給赤耳安車各一乘

及愍懷建宮乃置六傅三太

三少

晉書曰東宮舊制月請錢三十萬以備衆用愍懷太子恒探取三月以供嬖寵

以景帝諱

師故改太師為太帥通省尚書事詹事文書關由六傅

職官要錄曰晉太子六傅各有丞一人

自元康之後諸傅或二或四或六

渡江之後有太傅少傅不立師保

山濤啓事曰太子保傅不可不高盡天下

之選羊祜秉德尚義可出入周旋令太子每覩儀型方任雖重比此重為輕又可朝會與聞國議

宋有

太傅少傅各兼丞一人其保傅並銀章青綬齊與宗同

武帝時以王儉為少傅舊太子敬二傅同至是朝議接

少傅以賓友之禮梁太傅位視尚書令少傅視左僕射

職官要錄曰三少舊視左僕射冠服同三太也

陳因之自宋以下唯有傅而無

師保後魏太師太傅太保謂之東宮三師少師少傅少

保謂之東宮三少

孝明在東宮宣武皇帝欲以崔光為太子師傳光固辭帝令太子南面再

拜宮臣皆從太子拜光北面立不敢答北齊皆有之出拜唯西向拜謝而出乃授光太子少傅

則三師在前三少在後後周不置隋與北齊同唐六傳

不必備唯其人太子出則乘輅備儀以為後從貞觀中

太宗撰太子接三師之儀出殿門迎太子先拜三師答

拜每門讓三師坐與三師書前名惶恐後名惶恐再拜

先天元年十二月詔東宮三師三少宜開府置令丞各一人隸詹事府尋罷

增文獻通考

曰宋師傳不常設仁宗升儲置三少各一人李昉以參

知政事兼掌賓客及陞左相遂進兼少傅此宰相兼官僚之始也丁謂兼少師馮拯兼少傅曹利用兼少保是時實為東宮官餘多以前宰執為致仕官亦隨本官高下除授太子少師少傅少保以待前執政其少師非經顧命不除若本官至尚書即除少傅丞郎給諫只除少保若因遷轉則遞進一官至太師即遷司空矣天禧末皇太子同聽政乃以首相兼少師樞密曹利用兼賓客自後神宗欽宗孝宗光宗在東宮皆不置開禧三年史

彌遠自詹事入樞府乃進兼賓客已而太子侍立遂以
錢象祖兼太子少傅明年景獻太子立並置二相錢左
相改兼少師史右相兼少傅 續文獻通考曰遼南面

東宮三師府金東宮宮師府三師三少掌保護東宮道
以德義哀宗為太子時春宮所擬師保贊諭之臣多非
其人完顏素蘭上言太子天下之本正本之道在選人
以輔導之耳陛下更選賢如周召之徒者使之夾輔則
成周之治不足侔矣從之元置宮師府立太子太師少

師太傅少傅太保少保等官明置太子太師太子太傅

太子太保從一品以道德輔教太子而謹護翼之太子

少師太子少傅太子少保正二品奉太子以觀三公之

道德而教諭焉太子賓客正三品侍太子規誨贊相禮

儀而先後之皆為東宮官而不列於詹事府

或曰東宮公孤初莅

詹事府也

無定員無專授為勲戚文武大臣兼官或加官贈

官洪武初以左丞相李善長為太子少師右丞相徐達

為太子少傅俱領詹事二十五年立皇太孫以宋國公

馮勝潁國公傅友德兼太子太師曹國公李景隆涼國公藍玉兼太子太傅開國公常昇全寧侯孫恪兼太子太保詹徽為太子少傅兼吏部尚書茹瑋為太子少保兼兵部尚書

太子六傅總裁二

原承華

太子門名文選曰遵彼承華又曰高步承華皆謂太子儲宮

博望

太子苑名

東朝

太子朝也文選曰東朝既建

小輦

晉山濤為少傅帝賜小輦乘之以訓太子

司

業司成

禮曰樂正司業父師司成一人元良萬國以貞注貞正也司主也言樂正教以樂父師教

以成也

尊敬

詩曰尊敬師傅又漢詔曰國之將興尊師禮傳也

輔翼

禮曰師也者教

之以事而諭諸德也保也者慎其身而輔翼之而歸諸道也

禁嗜

賈誼書曰文王使太公望傅太

子發發嗜鮑魚望曰鮑魚不登于俎安有以非禮之物養太子哉

賜金

漢書疏廣疏受乞骸骨上

賜黃金二十斤皇太子贈以五十斤

襁褓之訓

賈誼疏曰古之王者太子在襁褓之中置三公

導之以教訓去邪人選端士太子見正言行正道三代長久以其輔翼之功

羽翼之賢

漢惠

為太子用張良策迎四皓為太子客高祖見之曰羽翼已成不可搖動矣

迎於崇賢

晉東宮故

事皇太子詣崇賢門迎師傅

講於宣武

山濤詳少傳

增崇敬師傅

晉書

武帝時有司奏東宮二傅禮儀不同帝曰崇敬師傅所以尊教前世之令典也何論臣與不臣其令太子拜之

即置輔弼

唐書太宗謂于志寧曰古者太子既生士負之即置輔弼成王幼小周召為師是也

不受兼官

宋史真宗末丁謂擅權用事至除吏不以聞李迪憤然不協時議二府皆進秩兼東

宮官迪以為不可既而帝御長春殿內出制書置榻前謂輔臣曰此卿等兼東宮官制也迪進曰東宮官屬不當增置臣不敢受此命

五辭制命

元史許衡世祖時召至京師時王文統以言利進為平章

政事許衡姚樞入侍言治亂休戚必以義為本文統患之且實默日於帝前排其學術疑衡與之為表裏乃奏以樞為太子太師默為太子太傅衡為太子太保陽尊用之實不使數侍上也默以屢攻文統不中欲因東宮以避禍與樞拜命將入謝衡曰此不安于義也姑勿論禮師傳與太子位東西鄉師傅坐太子乃坐公等度能復此乎不能則師道自我廢也樞以為然乃相與懷制之殿下五辭乃免

無所關掌

弇山堂別

集明高祖因勝國之制自太子太師至賓客皆無所闕掌而詹事以下至於坊局始寔為宮臣 被以

虛名

又洪武元年丞相李善長徐達平章常遇春帶太子少師少傅少保右都督馮勝帶詹事平章廖永

忠趙鏞帶副詹事御史大夫湯和鄧愈帶左右諭德中丞劉基章溢帶贊善大夫善長基溢理省臺幾事煩委日不暇給而達遇春等諸大將帥征討之不遑然則以虛名被之而已所日授經者宋濂輩耳 輔臣

領三少

宋史天禧四年以資政殿大學士王欽若為司空職如故欽若以輔臣兼領東宮三少品序非

便表換故

三品兼三少

奔山堂別集東宮三少以上舊制惟尚書都御史得兼之

有是命

洪熙初推恩大學士楊士奇以禮部左侍郎加少保楊榮以太常卿加太子少傅金幼孜以戶部右侍郎加太子少保無何俱進尚書景泰間備署宮官且以易儲推恩吏部左侍郎江淵禮部左侍郎王一寧戶部左侍郎

蕭鑑兼太子少師吏部左侍郎俞山太子少傅兵部右侍郎俞綱左副都御史羅通大理卿蕭維禎通政使李錫俱太子少保前後所無

原當元良之日

居輔翼之司

屬監

撫之餘

敦師資之本

帖白

增三師不為表首

宋史太祖時御

史臺議欲以左右僕射合為表首太常禮院以東宮三師為表首禮部尚書實儀援典故以僕射合為表首者六而謂三師無所據朝議是之

三師在尚書上

弇山堂別集三師至賓客多為虛銜以待

文武大臣之資重或有功者然三師在尚書上賓客在侍郎上

十日一赴資善

宋史仁宗

為皇太子宰相丁謂馮拯兼少師少傅樞使曹利用兼少保參政王曾樞副錢惟演兼賓客謂等因請師傅十日一赴資善堂賓客以下

布衣薦為師傅

元史李孟字道復以

事至京師時武宗仁宗皆未出閣詔求名儒輔導
有薦者曰布衣李孟有宰相才宜令為太子師傅

原

況當尊敬之朝

宜慎父師之選

漢擇名儒任先疏

廣 晉崇碩德選在山濤

漢用名儒任先疏受

晉

推碩德選在羊公

並見白帖羊公即羊祜

太子六傅總載三

原表吳張儼請立太子師傅表曰昔賈誼為漢文帝陳
周成王為太子以周公為太傅召公為太保呂望為太
師又立三少皆上大夫使與太子居處左右前後皆正

人也明禮義以導習之故能光熙文武興隆周室伏惟
陛下命世應期順乾作主皇太子以天然之姿為國上
嗣朝廷以四海未定國家多事師傅之官闕而未備臣
愚以為高祖初基天下造創引張良叔孫通出為師保
入與朝政宜博采周漢依舊儀用將相名官輔弼太子
於是以熙贊洪業增輝日月實為光大也

原箴晉傅玄少傅箴曰近朱者赤近墨者黑聲和則響
清形正則影直 增齊王攸為太傅獻箴曰保相之才

必擇賢明昔在成周旦奭作傅 後周蕭圓肅為少傅
作箴曰東序養德震方主器三善既備萬國以正姬周
長久實係元良嬴秦短祚亦由少陽

太子太師

原九德六行

薛綜讓少傅表云先王之建立太子必擇九德之師六行之傅

教事諭

德

詳白帖六傳

秩與卿同

晉公卿禮秩云太子太師秩與卿同

位在卿下

晉宮品令云太子太師品第三視尚書令位在卿下銀印青綬佩水蒼玉進賢兩梁冠五時朝服

增

忠謇貴重

唐太宗時太子承乾與魏王交惡帝曰當今忠謇貴重無踰魏徵我遣侍皇太子一天下

之望羽翼固矣即拜太子太師徵以疾辭詔荅曰漢太子以四皓為助我賴公其義也公雖卧可擁全之

太師名德

唐書曰楊炎當國顏真卿為禮儀使以直不容換太子少師及後盧杞為相益不喜改太

子太師并使罷之李希烈陷汝州乃建言遣真卿往諭時朱滔王武俊田悅李納使者皆在坐謂希烈曰聞太師名德久矣公欲建大號而太師至求宰相孰先太師者真卿叱之曰若等聞顏常山否吾兄也吾年且八十官太師吾守吾節死而後已豈受若等脅邪

詣崇賢門

見六傳總載二

集詹事

府

唐書曰馮定為太子詹事鄭覃兼太子太師上日欲會尚書省定據禮當集詹事府詔可論者多其正

盧鈞八十

又曰盧鈞守太子太師帝元日大饗舍元

歎

王溥三遷

宋史王溥為太子太保服闋加太子太傅開寶二年遷太子太師中謝日太祖

顧左右曰薄十年作相三遷一品福履之盛近世未見其比

原四皓為太師

史記外戚

世家漢高祖以商山四皓為太子太師

何劭領太師

王隱晉書何劭字敬祖以本官領太

子太師初楊駿以世祖每注情於廣陵王通而賈后無子遂立通為太子欲令親萬機而年尚小故盛選六傳以劭領太師通省尚書事

太子太傅

原太傅古官

漢書百官公卿表曰太子太傅古官也屬洗馬舍人

與卿同班

晉公

卿禮秩曰太子太傅與卿同班

位次太師

漢官解詁曰太子太傅曰就月將琢磨玉質言太子

有玉之質琢磨以道也位次太師

傳其德義

大戴禮昔周成王幼在襁褓之中周公為太傅

傳其德義

宜用賢才

後漢光武大會百官曰誰可輔導太子者羣臣承意皆言太子舅執金吾

陰識可博士張秩曰今陛下立太子為陰氏乎為天下賢才上曰

乎即為陰氏則陰侯可為天下則宜用天下賢才上曰

衛綰謹慎

史記曰

欲署者以輔太子也今博士不難

彭祖廉直

漢書曰嚴彭祖

太子太傅為人謹慎景帝為太子時帝召稱病不行

直不事權貴或說曰天時不勝人事君以不修小禮曲

公卿祖道

又曰疏廣為太傅

意於貴人左右之助願少自勉強祖曰凡通經術固當

修行先王之道何可委曲從俗苟求富貴乎

增博選

位五年皇太子年十二通孝經論語廣謂受曰吾聞知

足不辱知止不殆功遂身退天之道也即日父子俱稱

疾上疏乞骸骨上許之公卿大夫設祖道供

帳東都門外道路觀者皆曰賢哉二大夫

名儒

又曰建武十九年東宮初建師保多闕班彪上言宜博選名儒有威重通政事者以為太子太傅

原太子往拜

晉書曰賀循為太子太傅自以枕疾廢頓臣節不修累表固讓不許命皇太子

親往拜焉

命選官屬

魏志曰涼茂字子修為太子太傅時何夔為少傅特命二傅與尚書並選

太子官屬

增并攝衆事

晉書曰晉初東宮不置詹事以太傅少傅并攝衆事

名訪

政理

唐書曰趙宗儒泰和初進太子太傅文宗召訪政理對曰堯舜之化慈儉而已願陛下守之帝納其

言

優以二俸

弇山堂別集曰明宣德初夏原吉以少保仍兼太子少傅嘉靖初楊一清以少

師兼太子太傅欲優以二俸也

原叔孫願伏誅

史記曰叔孫通為太子太傅高祖欲以趙

王如意易太子通諫曰太子仁孝天下皆聞之呂后與陛下攻苦食淡其可背哉陛下必欲廢適而立少臣願

先伏誅以頸血汚地

竇嬰因謝病

又竇嬰傳孝景帝立栗太子嬰為傅後廢栗太子嬰爭

弗能得因謝病屏居藍田南山下

石奮以恭謹遷

又石奮無文學恭謹無與比遷太子

少傳鄧禹以名臣拜

續漢書孝明皇帝以鄧禹先帝名臣拜太子太傅進見東宮周旋顧

問甚有優寵

仲翁深見器重

漢書曰疏廣字仲翁為太傅廣兄子受為少傅初太子外

祖父特進平恩侯許伯以為太子少白使其弟舜監護太子家上以問廣對曰太子儲君師友必擇天下俊英今官屬已備若親暱外家非所以廣太子德于天下也上善其言以語丞相魏相相免冠謝曰此非臣等所能及由是深

程秉以名儒徵

吳志程秉傳秉字德孺孫權聞其名儒以禮徵秉既

見器重

到拜太子太傅

王導以驃騎領

晉中興書王導以驃騎將軍儀同三司領太子太傅

齊王以司空行

晉百官公卿表注齊王攸為司空行太子太傅事

王導旦夕

陳諫

晉書王導為太傅初帝愛瑯琊王裒將有奪嫡之議以問導對曰立子以長且紹又賢不宜改革帝

猶疑之導旦夕陳諫故太子卒定

張湛稱疾不朝

後漢書張湛為太子太傅及郭后廢

因稱疾不朝

賀循正定制度

虞預晉書賀循為太傅朝廷初建動有疑議宗廟制度皆

循所正定朝野諮詢

李熹訓導盡規

晉書李熹字季和為太傅在位累年訓導盡規

增張溫文辭占對

吳志張溫少修節操孫權聞之問曰溫當今與誰為比顧雍曰當今無比

召到延見文辭占對觀者傾竦權改容加禮拜議郎選曹尚書尋遷太傅

士廉朝望國華

唐書太宗伐高麗高士廉攝太傅仍典朝政太子下令攝太傅中國公高士廉朝望國華儀型攸屬忝膺監守

實資訓導比日聽政常屈同榻庶因咨白以祛蒙蔽但據案奉對情所未安所司宜別以一案供太傅

原夏侯勝受詔撰論語說

漢書夏侯勝為太傅受詔撰尚書論語說上賜金百斤

蕭望之以論語授太子

又曰蕭望之為太傅以論語禮服授太子

太子太保

原輔翼歸道

詳六傳總裁

教諭德成

詳東宮總裁

增朝嬰夕

側楚語鍾儀曰其為太子也師保

奉之以朝于嬰齊而夕于側也

以德導人

唐書太宗立晉

王為太子特進蕭瑀為太保上曰三師以德導人禮卑則太子無所取則乃詔撰三師儀注

原名

公為太保

大戴禮云昔者周成王幼在襁褓之中召公為太保保者保其身體也

陳略

為太保

臧榮緒晉書曰陳略字永耀有譽西河渡江為太保

劉寔以開府加

王隱

晉書曰孝懷帝以劉寔為特進開府加太子太保

賈充以太尉領

晉諸公贊曰賈充以

太尉領太

子太保

增寵異舊相之班

宋史曰王溥宋初進位司空乾德二年罷為太

子太保舊制一品班于臺省之後太祖因見溥謂左右曰溥舊相當寵異之即令分臺省班于東西遂為定制

預擇師保之任

又元豐七年上諭輔臣曰明年建儲當以司馬光呂公著為師保

太子少師

增步輿至閣

唐書李綱貞觀四年復為少師以足疾賜步輿聽乘至閣問以政事詣東宮太子承

乾為

聽政侍坐

又每聽政必詔綱與房玄齡王珪侍坐嘗言曰託六尺之孤寄百里之命

拜

御定職職類

二十

古人為難綱以為易故發言陳事毅然不可奪也

讓不敢謁

又房玄齡加太子少師始詣東

宮太子欲拜之讓不敢謁乃止

舊德保護

又文宗議選宮乃以太子少師召蕭俛

黃畝少師

後魏郭祚領太子少師從世宗幸東宮肅宗幼弱祚懷一黃畝出奉肅宗時應詔左

右趙桃弓與御史王顯晉齒為世宗所信祚私事之時有桃弓僕射黃畝少師之語

觀三師之

德隋百官志梁三少各一人掌奉皇太子以觀三師之道德

請命太子習知政事

金史金石琚字子美世宗時拜左丞兼太子少師嘗請命太子習知政事或譖之曰琚希恩東宮世宗察其無他以此言告之琚對曰臣本孤生蒙陛下拔擢備位執政兼師保之任臣愚以為太子天下之本當使知民事遂言及之耳

真任少師不兼他職

龔弁山堂別集明永樂中姚廣孝以立

東宮自僧錄左善世進為太子少師而無他兼職又勅云卿資性篤實學行老成事朕藩邸積有年歲朕靖難之初卿侍左右謀謀弼贊裨益良多今建儲嗣簡求良輔以卿舊人特授太子少師夫太子天下之本也必賴啟迪良正輔成德器卿尚勉進厥職副朕眷倚之重以此考之不兼他官不領他職為真任也

太子少傅

原輔導為職

續漢書百官志太子少傅秩二千石亦以輔導為職

悉主官屬

又

傳悉主太子官屬

不朝朔望

漢故事云太傅少傅稱臣並不朝朔望

疏受閑

雅置酒太子宮奉觴上壽辭禮閑雅上甚懼悅頃之拜

受為少傅

王丹正直

續漢書王丹為少傅嘗奏正直名德重於當時

與卿同班

晉公卿禮秩云
少傅與卿同班

月朔入見

魏志何夔為少傅涼茂為太傅每月朔入見太子正

法服而禮他
日無會儀也

輔導東宮

王隱晉書山濤為太子少傅詔曰輔導東宮

增

欲與結交

後漢書徵王丹為少傅時大司徒侯霸欲與結交及丹被徵遣子昱候于道昱迎拜車下

丹下荅之昱曰家公欲與公結交何為見拜丹曰君房有是言丹未許也

八歲置傅

後漢楊終

傳禮制人君之子年八歲為置少傅教之書記以開其明十五置太傅教之經典以導其志

代作

帝師

漢桓焉安帝永寧中為少傅贊曰父子兄弟代作帝師

接以賓友

齊書王儉拜少

傅朝議太子接少傅以賓友之禮

不敢受職

元史姚燧武宗時除承旨學士拜少傅帝面諭

燧燧辭曰臣先伯父樞嘗除是官尚不敢拜臣何敢受邪

固辭徵拜

又仁宗為皇太子徵李謙

為少傅固辭及即位召十六人謙居其首乃力疾見帝于行在焉

原張良立奇策

漢書

張良為少傅高帝欲廢太子良立奇策召四皓以免

匡衡陳便宜

又匡衡為少傅數陳便宜

及朝廷有政議傳經以對言多法義上以為任公卿顏師古曰任堪也

二傳古不臣拜

太平御覽曰何曾議太子少傅當臣拜荀顗曰太之與少自二傳之名次非於太子有輕重也詔曰秦漢以來舊章廢墜隨時改作其故事不可依用且遠準古議定二傳不臣拜

甄宇清靜少欲

東觀

漢記甄宇字長文拜太子少傅清靜少欲常稱老氏知足之分也

羊祜克己復禮

山濤

啟事少傅羊祜秉德尚義克己復禮又年尚少可久于其事也

桓榮稽古之力

後漢書桓

榮為太子少傅賜以輜車乘馬榮大會諸生陳其車馬印綬曰今日所蒙稽古之力也諸子可不勉哉

山濤古人之風

王隱晉書山濤為少傅詔曰濤秉德冲素心思潛通清虛履道有古人之風

衛瓘鼓吹之府

又衛瓘字伯玉為太保領太子少傅加千兵百騎鼓吹之府

王

雅冒雨而拜

裴松之晉書王雅字茂建拜少傅日迅雷大雨洪注時詔既至而雨愈甚雅語僕射

王珣求傳不許遂冒雨而拜

華廙得傳導之義

王隱晉書華廙遷少傅動遵禮典甚

得傳導之義

周顗有不言之益

晉書周顗為少傅上疏辭詔曰紹幼冲便居儲副之

貴當賴軌匠以祛蒙蔽望之儼然斯不言之益何學之習邪

子房雖疾卧傳太子

漢書張良傳漢十一年黥布反上自將而東良疾强起至曲郵見上因說令太子為將軍監關中兵上謂子房雖疾强卧傳太子時叔孫通已為太傅良行少傅耳

巨源雖疾乘輦導入

王隱晉書

山濤轉少傅表疾不聽尋講
武于宣武場帝命乘輦導入

上疏歸道以書辭謝

華嶠

漢書桓榮為少傅以太子經學
成畢上疏謝歸道太子以書謝

三世傳東宮談者歎

美

晉書薛兼為太子少傅自兼祖綜
父瑩至兼三世傳東宮談者美之

父子為師傅朝

廷榮焉

漢書疏廣為太傅兄子受為少傅天子每朝因
進見太傅在前少傅在後父子時並為師傅朝

廷以
為榮

周伯仁疏讓晉帝詔副往意

晉周顗以吏部尚書兼少傅疏曰臣

學不通一經智不效一官乃欲使臣內管銓衡外參傳
訓質輕蟬翼事重千鈞此之不可不待識而明矣詔曰
當副往意

秦西巴放麋孟孫名為子傅

韓子云孟孫獵得麋使秦

不宜沖讓

西巴載之持歸其母隨之而啼秦西巴弗忍而與之孟
孫歸至而求麋荅曰予弗忍而與其母孟孫大怒逐之

居三月復召以為其子傅其御曰曩將罪之今召以為子傅何也孟孫曰夫不忍廢又且恐吾子乎故曰巧詐不如拙誠樂羊以有功見疑秦西巴以有罪益信

太子少保

增知公直士

唐書李綱在東宮隱太子寢狎亡賴猜問朝廷綱諫不聽遂乞骸骨帝罵曰卿為

潘仁長史而羞朕尚書邪綱頓首曰潘仁賊也志殘殺然每諫輒止陛下功成厚自伐臣言如持水納石敢久為尚書乎且臣事東宮東宮又與臣忤是以上印綬帝謝曰知公直士幸卒輔吾兒乃拜太子少保尚書詹事如手勅不名又綱上書太子言殿下飲酒過量非養

宜聽受邪說與朝廷生恙太子覽書不懌所為益縱綱悒悒不自賴固請老優詔解尚書帝以綱隋名臣手勅

未嘗名

服其度量

唐新語李適之為右相李林甫密奏其好酒頗妨政事乃除太子少保適

之遂命親故歡會賦詩曰避賢初罷相樂聖且銜杯為問門前客今朝幾個來舉朝服其度量

改以

散秩

唐書長慶中趙宗儒以兼太常卿為太子少保太常有師子樂備五方之色非朝會聘享不作焉至

是中人掌教坊之樂者移牒取之宗儒不敢違以狀白宰相宰相以為事在有司執守不令闕白而宗儒憂恐不已宰相以其懦怯不任事改以散秩

太子賓客

原杜氏通典曰漢高帝時有四人年老以上慢侮逃匿

山中義不為漢臣謂之四皓

東園公綺里季夏黃公角里先生

高帝不

能致及將廢太子太子迎四人至侍從太子鬚眉皓白
衣冠甚偉高帝既見曰煩公幸卒護太子太子由是不
廢至武帝又為太子立博望苑使通賓客晉元康元年
愍懷太子始之東宮惠帝詔曰通幼蒙今出正東宮雖
賴師傅羣賢之訓其遊處左右宜得正人能相長益者
太保衛瓘息庭司空隴西王泰息略太子太傅楊濟息
泌太子少師裴楷息憲太子少傅華廙息恒各道義之
門有不肅之訓其令五人更往來與太子習數備賓友

也其時雖非官而謂之東宮賓客皆選文義之士以待
儲皇其後無聞唐顯慶元年正月以太子太傅兼侍中
韓瑗中書令來濟禮部尚書許敬宗左僕射兼太子少
師于志寧並為皇太子賓客遂為官員定置四人掌調
護侍從規諫凡太子有賓客之事則為上齒蓋取象于
四皓焉資位閑重其流不雜 增宋史曰至道元年建
儲乃置賓客二人以他官兼時李至與李沆並兼賓客
詔太子事以師傅禮真宗每見必先拜至等上表不敢

當不允仁宗為皇太子李迪除太子少傅迪辭以太宗時未嘗立保傅止兼太子賓客詔皇太子禮賓客如師傅寇準罷帝欲相迪迪固辭一日對滋福殿有頃皇太子出拜曰陛下用賓客為宰相敢以謝帝顧謂迪曰尚可辭邪王曾參知政事兼太子賓客真宗不豫皇后居中預政太子雖聽事資善堂然事無不決于后中外以為憂錢惟演后戚也曾密語惟演曰太子幼冲非宮中不能立加恩太子則太子安太子安所以安劉氏也惟

演以為然因以白后 續文獻通考曰元世祖至元十九年詹事院外別置宮臣賓客二員後改設儲政院諸員皆廢至正十三年冊立皇太子復置賓客二人 元史曰至大元年仁宗在藩邸開宮師府姚燧年已七十遣正字呂誠如漢徵四皓故事起燧為太子賓客 續文獻通考曰明洪武初徵儒士王本杜敷趙民望吳源為四輔官兼太子賓客位尚書上

太子詹事一

丞

主簿

司直附

原杜氏通典曰詹事秦官

應劭曰詹省也
始也秩二千石

漢因之掌皇

后太子家

皇后太子各置詹事隨其所在以名官
官曰詹事位在長秋上亦宦者主中諸官

漢

後漢志皇后當法駕出則中謁中官者職吏權兼詹事
奉引訖罷宦者誅後尚書選兼職吏一人奉引此皆皇

后詹事也

漢時太子門大夫庶子洗馬舍人皆屬二傳其太

子家令丞率更令丞僕中盾衛率等官並屬詹事後漢

省詹事而太子官悉屬少傅魏復置詹事領東宮衆務

晉不置至咸寧元年復置以掌宮事

事詳六傳

及永康中復

不置自大安以來又置終孝懷之代晉職擬尚書令掌

三令四率中庶子庶子洗馬舍人等官銀印青綬介幘
進賢兩梁冠絳朝服佩水蒼玉宋與晉同齊置府領官

屬

齊沈文季為太子詹事

梁陳任總宮朝後魏有太子左右詹事

北齊東宮衆事無大小皆統之領三寺二坊及左右衛

後周置太子宫正宮尹隋開皇初置詹事二年罷之唐

復置詹事府詹事一人掌內外衆務糾彈非違總判府

事置少詹事一人以貳之龍朔二年改詹事為端尹

詹事

府為端尹府

少詹事為少尹咸亨初復舊垂拱元年又改詹

事為宮尹少詹事為少尹神龍初復舊 增宋史曰仁

宗升儲始置詹事二人神宗欽宗升儲並置二人皆以
他官兼登位後省乾道元年莊文太子立置詹事二人
踰月詔太子詹事遇東宮講讀日並往陪侍七年光宗
正儲位以敷文閣直學士王十朋敷文閣待制陳良翰
為太子詹事不兼他官非常制也景定元年度宗升儲
以楊棟兼詹事 續文獻通考曰金詹事院太子詹事
少詹事掌總統東宮內外庶務世宗時詔太子詹事曰

東宮官屬尤當選用正人如行檢不修及不稱職者具以實聞元至正十三年復立詹事院置詹事三人同知詹事二人副詹事二人仁宗延祐六年監察御史富珠哩朮等言皇太子位正東宮改立詹事院宜擇年德老成道義崇重者為師保賓贊俾盡心輔導以廣緝熙之學從之明詹事以輔導東宮為職凡侍東宮講讀暨坊局翰林院番直凡講讀畢又奉上所處分府部軍政要務及撫諭遐方恩義率其僚屬暨坊局陳說于東宮府

院官得互兼凡試士修書皆與焉坊局亦如之 原杜

氏通典曰丞秦官漢因之後漢省魏晉隨詹事省置至

晉永康中詹事特置丞一人掌文書關通六傳過江多

用員外郎遷尚書郎宋齊因之梁陳置一梁冠皂朝服

銅印墨綬後魏北齊並有之

後魏楊昱字元略為詹事丞孝明為太子尚在懷抱

其所出入唯乳母而已不令官僚聞知昱諫曰太子動止宜令翼從陛下若召太子必降手勅令臣下咸知乃

詔曰自此以後非朕手勅勿令兒出宮宮臣在直從至萬歲門下

隋初置一人唐置二

人掌文武官簿帳朝集假使分判府事 增續文獻通

考曰元詹事府置丞二人成宗大德二年初裕宗崩朝議欲罷詹事院張九思時為詹事丞抗言曰皇孫宗社人心所屬詹事正所以輔成道德者奈何罷之遂止明置丞二人掌文書以贊詹事原杜氏通典曰主簿一人晉始置自後歷代皆有唐因之掌付事勾稽監印紙筆增續文獻通考曰明詹事屬主簿一人錄事一人通事舍人二人主簿掌勾會文移檢稽脫失錄事佐之通事舍人掌東朝參謁辭見之禮及承令勞問之事

原杜氏通典曰司直二人唐龍朔三年置桂坊比御史臺置令一人比大夫司直二人比侍御史掌彈劾官府察其後廢桂坊以司直隸詹事府 增續文獻通考曰明左右春坊各置司直郎清紀郎司諫一人司直掌彈劾宮僚糾舉職事清紀郎參佐之司諫掌箴誨鑒誠之事以拾遺而補過焉

太子詹事二

原漢書曰竇嬰字王孫乃太后兄子景帝即位為詹事

帝母弟梁孝王竇太后愛之孝王朝因燕酒酣上曰千秋萬歲後傳位於王太后勸之嬰引卮進上曰天下高祖之天下父子相傳漢之約也上何得傳王太后因憎嬰嬰亦薄其官因病免也 又漢文以鄭當時為景帝詹事 又昭帝元鳳中以韋賢為詹事 又孔光父霸字次孺宣帝以經授太子為詹事 又孝哀元壽元年馬宮為詹事 王珉荅徐邈書曰詹事彈肅一宮如尚書令中丞也 俗說曰江夷為右僕射主上欲用其領

詹事語王准卿可覓比例准對曰准當出外尋訪准後見主上問近所道事卿已得例未准曰謝琰右僕射領詹事琰即謂公之子恐夷非其例事遂不行 增南史曰孔奐為吏部尚書陳後主時在東宮欲以江總為太子詹事令陸瑜言於奐奐曰江有潘陸之華而無園綺之實輔弼儲貳竊謂非材後主深以為恨乃自言於宣帝宣帝將許之奐乃奏曰江總文華之人今皇太子文華不少無藉于總願選敦重之才以居輔導帝曰誰可

者與曰都官尚書王廓代有懿德識性敦敏可以居之
後主時亦在側乃曰廓王泰之子不可居太子詹事與
又曰宋朝范曄即范泰之子亦為太子詹事後主固爭
之帝以總為詹事 舊唐書曰劉憲景雲初遷太子詹
事時明皇在東宮雅意經籍憲曰殿下儲副非以尋章
摘句要通大義而已侍讀褚無量經明行修宜召問以
察其言 太平御覽曰蘇弁德宗時改太子詹事弁初
入朝班位失序殿中侍御史鄒儒立對仗彈之於金吾

待罪數刻特釋放舊制太子詹事班次太常宗卿之下
貞元三年御史中丞竇參叙班位移詹事在河南太原
尹之下并乃引舊班制立臺官詰之云已白宰相請依
舊故為儒立所彈 宋史曰真宗末二府大臣皆兼東
宮官張士遜遂換太子詹事擢樞密副使遷尚書左丞
同中書門下平章事 又彥穎升詹事上言皇太子尹
臨安已久雖欲更嘗民事然非便宜一意講學他日以
言於上者告太子趣草奏辭尹事三辭乃免 又王十

朋除太子詹事力辭詔州郡禮致遂力疾造朝以足疾不能趨詔給扶減拜謁東宮太子以其舊學待遇有加金史曰楊伯雄字希雲登皇統二年進士大定初顯宗為皇太子選東宮官屬張浩薦之起為少詹事兄子蟠為左贊善時論榮之又伯雄進左諫議大夫翰林直學士會太子詹事闕宰相復舉伯雄上曰伯雄不可去朕左右而東宮亦須輔導遂以太子詹事兼諫議伯雄知無不言匡救弘多後宮僚有詭隨者人必稱楊詹

事以媿之 元史曰王約字彥博成宗時歷仕禮部尚

書仁宗在東宮雅知約名思用以自輔擢太子詹事丞
明年進太子副詹事約抗章諫節飲辭意懇切仁宗嘉
納焉承制立左衛率府統侍衛軍萬人同列欲署軍官
約持不可仁宗復召問約對曰皇太子事不敢不為天
子事不敢為仁宗悟竟罷議同列復傳命增立右衛率
府取河南蒙古軍萬人統之約屏人語曰左衛率府舊
制有之今置右府何為諸公宜深思之不可累儲宮也

又命取西安兵器給宿衛士約謂行省諤勒哲曰詹事移
文數千里取兵器人必驚疑主上聞之奈何諤勒哲色慙
曰實慮不及此又欲取福建繡工童男女六人約以為
動擾不宜乃止家令薛居敬言陝西分地事因被命往
理之約不肯署行曰太子潛龍也為飛龍之事可乎遂
寢不行 獻徵錄曰吳寬為詹事府詹事孝宗在東宮
學少間寬率僚屬上疏曰竊惟東宮講學自寒暑風雨
朔望令節外一歲之中不過數月一日之內不過數刻

況其間又多間歇人生八歲出就外傳居宿于外誠欲
離近習親正人也庶民且然況有天下者乎借曰習讀
于內終不若出就外傳親近儒臣講明正道所得為多
也 又吳文定掌詹事府事久之程學士敏政以策免
起復官前所歷俸不入考公曰少詹學士職與我同彼
則先官即日上疏請以印讓有旨命公仍掌之士論益
多公 又張元禎孝宗朝以太常寺卿兼翰林院學士
仍侍經筵日講掌詹事府事上疏勸經筵宜講太極圖

西銘東宮兼講孝經小學孝宗欣然嘉納亟索太極圖以觀曰天生斯人以開朕也

太子詹事三

增領護軍

晉書羊琇少與武帝同年相愛常謂帝曰若得天下用我為領護軍太子詹事武帝即位

琇但為左衛將軍不得詹事也

得詹事

天中記唐張說女嫁盧氏嘗為舅盧公求官候父下朝而

問焉父不語但指搢林龜而示之女歸告其夫曰舅得詹事矣

原總司之任

晉起居注武帝

以王恭為丹陽尹領太子詹事恭讓表曰今日王儲始建四方是式總司之任崇替所闕宜妙簡才賢盡一時

之勝

舊視領護

晉令云詹事品第三舊視中領護

增送公錦還

唐書張行

成轉太子少詹事太宗東征太子於定州監國即行成
本邑太子謂行成曰送公衣錦還鄉矣乃令有司祭其
墓先人

固辭機密

唐書徐堅睿宗時授太子左庶子遷
黃門侍郎太平公主用事武攸暨屢

邀請堅不許又以妻岑義女弟固辭機
密轉太子詹事曰吾非求高逃禍耳

同日起授

微

錄孔公恂字宗文宣聖五十八代孫景泰甲戌進士授
禮科給事中天順中大學士李賢言于英宗謂公恂與

司馬恂皆聖賢後可居輔導之
職遂同日起授詹事府少詹事

入參出掌

元史諤勒哲
以大且子

選為裕宗王府僚屬及裕宗為皇太子署詹事
長入參謀議出掌環衛小心慎密太子甚重之

不求

賜子

元史王約為太子副詹事仁宗以詹事院諸事循
軌大喜嘗字而不名諭羣臣曰事未經王彥博者

勿啓又謂中丞托迪曰在詹事而
不求賜子者惟彥博與汝二人耳

宮端宿德

獻微錄
明劉鉉

歷任祭酒天順復辟以宮端必求宿德之儒在朝
無踰鉉者遂陞少詹事日侍講讀輔導極為誠謹

瑤

山往鑒錄

金史楊伯雄為少詹事集古太子賢不肖為
書號瑤山往鑒錄進之及進羽獵保成等箴

皆見
嘉納

東宮聖功圖

獻徵錄明霍韜嘉靖間為禮部尚
書掌詹事府事進東宮聖功圖以

諷雖未奉俞旨然
以納忠不罪也

原下壺裁斷切實

千寶晉紀下壺
遷太子詹事世

稱壺裁斷切實
忠干事上也

王恭清操過人

晉中興書太原王恭
為中書令領詹事學

問清操
過人

增勿以資屈為嫌

唐書李勣為兵部尚書晉
王為皇太子授詹事兼左

衛率帝曰吾兒方位東宮公舊
史以宮事相委勿以資屈為嫌

講讀非詹事職

宋

戴溪字肖望紹熙時由資善堂說書轉為太子詹事景
獻太子命溪講中庸大學溪辭以講讀非詹事職懼侵

官太子曰講退便服
說書非公禮毋嫌也

雲卿舞回波辭

唐書沈佺期字雲卿中宗時為

修文館學士侍宴帝詔學士等舞回波佺期弄辭悅帝還賜牙緋尋歷中書舍人太子少詹事

太子詹事四

增制唐常袞授郭曜太子詹事制曰門下正于宮僚以
視邦憲務兼內外選重古今某官丞相之子夙聞禮訓
孝悌信讓清公仁厚端莊慎獨如有大賓之容沉静少
私澹然儒者之行濟以才識達于公方素多歷職之稱
用叶居家之理士林推重朝野洽聞待以客禮既任賢

于調護委之官事更持綱于彈糾

原表齊孔稚圭讓詹事表曰太子霞騫青殿日光春宮
駕紫谷之英振洛笙之響自非器上白雲韻同明月何
以延芳芝苑挿羽瓊條竇嬰戚貴于西京陸暕風素于
東國伊人之美方曰可舉臣亦何斯而敢參冒也 梁
陸倕除詹事免讓表曰中陽白水徒庇微軀送珥抱薪
未聞成績陳席不棄故劍無遺遂宣時髦升降清顯尊
官厚秩無因而至陋巷華門鬱成夾堦儲端華重寶異

恒司南章馬宮已擇儒雅竇嬰許商爰取姻戚自茲已
降名器日隆歷選才賢若何叨越也 陳江總謝宮為
製讓詹事表曰如攀珠樹徒仰照匣之輝若踐玉田
不知照廡之價芙蓉之水亟奉北園迷迭之文屬陪南
館久降噓枯之旨許賜凌雲之筆清夜讌斯謂言善戲
黃金然諾並遂殊寵年齊柏寢豈報恩榮紙罄蘭臺未
書悚戴 增宋周必大辭兼太子詹事奏狀曰竊惟儲
端華重今昔所同漢韋賢質樸篤學始膺委任唐李勣

至以舊長史屈階資而為之近歲以來非老成端諒為
世所推則必於近臣中擇嘗任王府講讀及宮僚者就
兼是職苟或異此寧虛厥官臣行能淺薄既無素望又
非舊人驟預選掄實駭羣聽伏望重青宮之屬軫黃屋
之恩朝多英望亦有舊僚改而命之庶叶公論

原啓陳江總除詹事謝東宮啓曰庇身修德謐迹端形陳
蘿故葛攀附不涯解角蛻鱗超踰非次方辭璽會覲收
渥澤

太子中庶子一

原杜氏通典曰古者天子有庶子之官

周官謂之諸子

職諸侯

卿大夫之庶子掌其戒令與其教理有大事則帥國子

而致於太子唯所用之秦因之置中庶子庶子員

宋志云後

漢置中庶子

按齊人鄒陽上疏云秦皇帝任中庶子蒙嘉之言而荆軻入關則秦官明矣

漢因之有

庶子員五人史丹王商歐陽地餘並為中庶子

王莽改曰中尚

翼後漢員五人職如侍中而庶子無員職如三署中郎

凡庶子主宮中并諸吏之適子及支庶版籍魏因之在

吳為親近之官晉中庶子庶子各四員職比散騎常侍及中書監令皆以俊茂者為之或以郡守參選若釋奠中庶子扶左庶子扶右宋與晉同武冠平巾幘絳朝服元嘉初詔二率中庶子隨太子入直上宮十四年又詔還直東宮至齊其庶子用人卑雜梁天監七年詔革選其年以太子中舍人司徒從事中郎為之凡中庶子四人以功高者一人為祭酒行則負璽前後部護駕與功高中舍人一人共掌其坊之禁令庶子四人掌侍從左

右獻納得失與功高通事舍人一人共掌其坊之禁令
冠服並同前代陳因梁制後魏亦有中庶子庶子官北
齊門下坊中庶子四人領之典書坊庶子四人領之隋
分為左右庶子各二人分統門下典書二坊事

劉行本為左庶

子卒後太子勇廢文帝曰若使劉行本在勇當不及此

唐亦各二人分掌左右春

坊事龍朔二年改左右庶子為左右中護咸亨初復舊

左擬侍中而右擬中書令

貞觀中詔曰皇太子與百官書疏未有制式近代以來列

皆名目無以別貴賤今凡處分論事之書皇太子並宜稱令右庶子以下署名宣奉行書其餘與諸親及師傅

等書不在此限于志寧為太子中庶子撰
諫苑二十卷以進于太子太子名承乾

中允司議郎

司經洗馬文學校書正字典膳藥藏內直典設宮門等
局郎丞崇文館共屬右春坊中舍人舍人通事舍人並
屬左春坊其諭德贊善亦左右分隸焉 環濟要略曰

庶子謂宮中諸吏之適子及支庶在版籍者也行其秩
叙作其徒役授八次八舍之職以徵候 漢書百官表

曰太子太傅屬官有庶子 沈約宋書曰中庶子漢置
古者世祿卿大夫之子既為副倅謂之國子天子諸侯

子必有庶子官以掌教之 增唐志曰左春坊左庶子

掌侍從贊相駁正啓奏中允為之貳皇太子出則版奏

外辦中嚴入則解嚴凡令書下則與中允司議郎等畫

諾覆審留所畫以為案更寫印署注令諾送詹事府右

春坊右庶子掌侍從獻納啓奏中舍人為之貳 宋史

曰太子左右庶子左右諭德舊制不常設儲闈之建隨

宜制官以備寮案多以他官兼領仁宗神宗升儲庶子

諭德各置二人欽宗升儲置一人紹興三十二年孝宗

以建王立為皇太子置庶子諭德各一人除右虛左乾
道元年及七年各置一人開禧三年景獻太子立除右
虛左明年左右始並置續文獻通考曰遼南面左春
坊長官曰太子右庶子元置中庶子一人明左右春坊
置庶子各一人

太子中庶子二

原漢書曰歐陽地餘為中庶子授皇太子經元帝即位
遷侍中又王商涿郡人少為太子中庶子以肅敬敦

厚稱 魏志曰鮑勛為中庶子 又王昶字文舒為中

庶子 晉齊王攸與山濤書曰中庶子東宮顯職加以

侍接左右誠得篤粹有行檢六人想悉在尊意必允衆
望也 文章叙曰應貞晉室為中庶子 晉中興書曰

溫嶠拜中庶子在東宮甚見嘉寵僚屬莫與為比數規
諫諷議又獻侍臣箴甚有補益太子時起西池樓觀頗
多勞費嶠口疏切諫太子納焉 增天中記曰晉王珣

曰中庶子稱坊詹事稱寺寺同於九卿坊如天朝之稱

臺 陳書曰王瑒父冲嘗為瑒辭領中庶子世祖顧謂
冲曰所以久留瑒於承華欲使太子微有瑒風法耳

太平御覽曰隋劉行本拜太子左庶子皇太子虛已敬
憚時唐令則亦為左庶子太子昵狎之令以絃歌教內
人行本責之曰庶子當匡太子以正道何有嬖昵房帷
之間哉令則甚慙而不能改 唐志曰杜正倫為太子
左庶子太宗謂曰國之儲副自古所重必擇善人為之
輔佐今太子年在幼冲志意未定既委以監國不在目

前知卿志懷貞慤能執直道故輟卿於朕以匡太子宜知委任輕重也 又李百藥授太子右庶子時太子頗留意典墳然閒譙嬉戲過度百藥作替道賦以諷太宗見而遣使謂百藥曰朕於皇太子處見卿所獻賦述古來儲貳之事以誠太子甚是典要朕選卿輔弼太子正為此事大稱所委賜綵物三百段 唐書曰房玄齡太宗平內難為皇太子擢右庶子 又皇甫鏞字繇卿憲宗時鏞為相鏞任河南少尹見權勢太盛每極言之鏞

不悅乃求分司為皇太子左庶子鋪敗朝廷賢之 宗
史曰仁宗出閣帝選僚佐謂宰臣曰翊善記室府屬也
王皆受拜今王尚少宜以張士遜為友令王荅拜於是
以戶部郎中直昭文館為壽春王友遷諫議大夫兼太
子右庶子改左庶子遜言詣資善堂升階列拜而皇太
子猶跪受宜詔皇太子坐受之帝不許 又邵亢為潁
王府翊善及東宮建為右庶子 又高宗以普安郡王
為皇子進封建王詔建王府置直講贊讀各一員史浩

兼直講一日講周禮言膳夫掌膳羞之事歲終則會惟王及后世子之膳羞不會至酒正掌飲酒之事歲終則會惟王及后之飲酒不會而世子不與焉以是知世子膳羞可以不會世子飲酒不可以無節也王作而謝曰敢不佩斯訓及建王為皇太子浩除起居郎兼太子右庶子獻徵錄曰鄒緝字仲熙永樂間為左庶子卒于官子循為翰林待詔宣德八年當受勅命循乃疏言臣父緝先在翰林事文皇帝後兼春坊事昭皇帝于東宮

歷二十年不獲生受誥命今臣秩卑於例不應得封贈
乞特賜之上諭吏部尚書郭璉曰當皇祖時朕居守北
京時緝恒在左右所言皆正蓋良臣也其特與之誥命
不為例 又曰周述永樂時進左春坊諭德兼侍讀從
皇太子居守南都上諭之曰汝素厚重尤資匡弼太子
雖聰明純謹然智或未逮行或過中必須盡言庶稱朕
意仁廟居守中外無失政德澤浹于人心述力為多宣
德中陞左庶子 又童承叙嘉靖間為講官上御文華

殿承叙進講周書立政篇極陳王業艱難周公夾輔之
忠詞意婉切上改容聽焉及冊正儲位乃以承叙為左
春坊左庶子兼翰林院侍講慎輔導之選也

太子中庶子三

原職如侍郎

續漢書百官志太子中庶子職如侍郎

衛太子家

班彪成

國家故事選公卿列侯子孫衛太子家為中庶子

野王通詩

漢書馮奉世傳云野王字君卿

受業博士通詩少以父任為皇太子中庶子

劉軼侍講

東觀漢記劉軼字君久永平中以中

庶子入侍講

侍從十年

漢書史丹傳丹字君仲自元帝為太子時丹以父高任為中庶子侍

從十餘年

管綜門下

王珣啓以桓謙為太子庶子云東宮之選宜盡一時之美中庶子綜管門

下不可不

校德東宮

山濤啓事云瑯琊王子繇隴西王世子越誠宜早令奉侍皇太

得其才

子校德東宮

東宮顯選

又中庶子東宮顯選今有二缺衆議咸以領兵太守荀寓

若兼庶子

為一官要任

晉起居注武帝置中庶子四人一官要任

宜用雋選

吳志孫登

為太子時太傅張溫言于孫權曰夫中庶子官最親密切問近對宜用雋選于是乃用陳表為中庶子一曰顧

碑

宜得俊茂

山公啓事今中庶子缺宜得俊茂者以濟陰劉儼城陽太守石崇參選不識可

合聖

純粹篤誠

又中庶子賈模遷缺周蔚純粹篤誠宜補

沉静履素

晉書

皇甫謐傳咸寧初詔曰男子皇甫謐沉静履素守學好古其以為太子中庶子可

才行優著

王隱晉書梁益為太子中庶子才行優著

甚相親愛

晉書殷仲堪傳孝武帝召堪為中庶子甚

相親愛

經學淵博

晉中典書孔演字太元為中書郎領中庶子事時中興庶事草創演經學

淵博又該識舊典朝議軌制多取正焉

班同三舍

擬侍中中書侍郎班次同

受命

天朝

晉鄭默字思玄與郭奕俱為中庶子朝廷以為太子官屬宜稱陪臣默上言太子體皇極之尊無私

于天下宮臣皆授命天朝不得同之藩國事遂施行

入侍儲幄

顏含白帖

增正始

遺風

齊書袁粲言于帝曰臣觀張緒有正始遺風宜為宮職轉中庶子

與典機劇

唐書

許敬宗高宗在東宮遷右庶子太子監國敬宗高士庶與典機劇

元素直言

又張元素為左

庶子太子久不見賓友元素曰宮中所見止婦人不知樊姬等可與益聖德者幾何若無之即便詖謐嬖何足

顧哉上惟東宮之重高署賢才為僚佐今乃不得進見將何以朝納誨夕補遺也邪

吳兢諫獵

吳兢為左庶子明皇東封在路多射獵兢諫曰登封告成禮容甚大畋遊之事克損威儀貞觀時太宗文皇凡在巡行則博選識達古今之士以在左右每至前代興亡之地皆詢其所由用為鑒誠伏願陛下遵而行之則與夫騁奔馬于澗谷要狡獸于叢林不慎垂堂之危不思馭朽之變不可同日而語也

參典機

密宗史晏殊遷左庶子能佐佑東宮真宗諮訪以事輒用方寸紙細書問之由是參典機密凡所對必以其

葉進之以示不泄

出入陪從

又仁宗在東宮詔庶子張士遜等遇太子侍駕出入許陪從

侍從舊勞

獻徵錄明陸簡侍孝宗東宮講讀弘治戊中詔修憲宗實錄被徵至以侍從舊勞陞

右庶子兼侍讀充經筵講官

令旨授經

又明鄒濟永樂時擢左春坊左庶子在輔導之職言

無不從寵遇特厚奉令
旨授皇孫經明于啓迪

原秦寵蒙恬

晉尊孔演

帖白

大臣薦王商

漢書王商字子威為太子中庶子父薨
商嗣為侯推財以分異母諸弟居喪哀

切于是大臣薦商行可以勵羣臣義足以厚
風俗宜備近臣由是擢為諸曹侍中中郎將

山濤用

劉粹

山濤啓事中庶子賈模遷缺
以太尉長史劉粹為之可也

顏含操行徵

晉書
顏含

字子弘少有操行肅宗初臨東宮侍臣
宜須儒素有行者乃徵含為中庶子

陶侃孝廉拜

陶氏家傳云侃還太子中庶子
而好學善談論尤明於詩易

傅喜好學選

漢書傅
喜少好

學問有志行哀帝立為太子
成帝選喜為太子中庶子

祖納文義遷

王隱晉書
祖納字士

言以清言明理文義
可觀遷太子中庶子

荀緯喜文學

文章叙錄云荀緯
字公高少喜文學

為太子庶子

鮑勛有高節

魏書鮑勛字叔業清白有高節知名當世為中庶子在東宮正

色不撓

增諫院兼宮坊

續文獻通考明洪武初以耆儒劉靜闕賢為諫院左右司諫兼

春坊左右庶子

義門授庶子

又洪武時以義門鄭濟王勲特授春坊左右庶子

原

員五人秩六百

應劭注漢官表云庶子員五人秩六百石

增宋璟以宰相

兼

唐書宋璟為相兼庶子

擇朝士補少列

宋史慎從吉歸宗歷將作監會擇朝士有

望者補少列改太子右庶子

選僚佐為輔導

又真宗尹京妙選僚佐乃召楊徽之與畢

士安並充開封府判官召對便殿諭以輔導意東宮建屬以徽之兼左庶子

吳寬以舊學

進獻徵錄明吳寬廷對第一侍孝宗於東宮及即位以舊學進春坊左庶子

杜門六年故

有此拜

唐書趙宗儒字秉文罷相為太子右庶子屏居
慎靜奉朝請而已遷吏部侍郎德宗召見勞曰

知卿杜門六年故有此拜

有驚來翔王坦被令為賦

武陵先賢傳云王坦字方

山為中庶子被令為燕來翔賦

蔡穎博奕太子命曜論之

吳志韋曜字弘嗣少

好學能屬文遷太子中庶子時蔡穎亦在東宮性好博奕太子以為無益命曜論之

周翰獻所

為文上荅以書

宋史梁周翰字元褒真宗在儲宮知其名徵為左庶子因令取其所為文章周

翰悉纂以獻上荅以書

太子中庶子四

增制唐李嶠授王方慶左庶子制曰鸞臺升降銅樓輔

弼必求時望以隆國本某官盛門良緒敏學豐才道業
夙彰言行無玷備歷清顯式昭幹具體溫恭之性造次
不違守廉退之風終始若一實舊德之明允見通人之
老成昔張良以三傑之才始傳儲右史丹資八舍之重
方護春宮簡賢任能抑有前事宜膺九德之選用光三
善之業 蘇頌授姚元之等兼太子庶子制曰勅元儲
者萬國之貞端士者一時之選自匪英傑孰當調護姚
元之宋璟等並以賢良方正茂才異等著於天下揚於

王庭忠而在公孝以為政見義難奪立誠不回發揮文
教博綜儒術故能生此王國戴于朕躬屬少陽初建承
華洞啓使股肱之良宣諭道德雖典厥二柄實務茲官
必俟大臣俾兼中庶

原墓誌梁簡文帝庶子王規墓誌銘曰玉挺藍田珠潤
隋水價重連城聲同垂棘偶應龍之籥影等威鳳之羽
儀名理超于荀王博洽侔于終賈稍遷侍中佩玉璽于
文昌珥金貂于武帳文雅與綺縠相宣逸氣並雲霞俱

遠副君取敬杜夷時迴晉儲之駕追嗟徐幹亦降魏兩
之書爰發睿辭為銘云爾七略百家三藏九部成誦其
心談天其口勝氣無儔高塵誰偶榮珪掩采靈劒摧鋒
宋郊淪鼎洛水沉鐘玄扉不晝幽夜恒冬

增賦唐右庶子李百藥贊道賦曰顧三善而未弘祇四
德而為行每趨庭而聞禮常問寢而資敬既雕且琢溫
故知新唯忠與敬曰孝與仁則下光四海上燭三辰昔
者三王之教子兼四時以齒學將交發於中外乃先之

以禮樂惟聖上之慈愛訓義方於至道同論政於漢幄
修致戒于京鎬鄙韓子之所賜重經術而為寶自禮賢
于秋實足歸道于春卿異洞簫之娛侍殊飛蓋之緣情

中允

左右贊善

左右諭德

司議郎附

原杜氏典通曰中允後漢太子官屬有之職在中庶子
下洗馬上漢制太子五日一朝其非朝日即使僕及中
允朝朝請問起居其後無聞宋齊有中舍人是其職也
唐貞觀初改太子中舍人為中允置二員其後復置中

舍人龍朔二年又改中允為左贊善大夫咸亨元年復
為中允而左贊善仍置焉中允掌侍從禮儀駁正啓奏
并監藥及通判坊局事若庶子闕則監封題職擬黃門
侍郎永徽三年以皇太子諱忠改為內允太子遜位而
官復舊 增續文獻通考曰宋中允贊善多為階官非
實有職業遼右春坊內有太子中允位次庶子之下元
置中允一人明左右春坊中允各一人正六品在左右
諭德之下 原杜氏通典曰左右贊善大夫龍朔二年

初置左贊善大夫替中允置右贊善大夫替中舍人咸
亨元年中允舍人復舊而贊善大夫別自為官左右各
五人皆掌侍從翊贊比諫議大夫 增續文獻通考曰
遼左右春坊內各有太子贊善大夫金左右贊善掌贊
太子以道德元左右贊善各一人明左右春坊贊善各
一人從六品在右中允之下 原杜氏通典曰左右諭
德龍朔三年初置太子左右諭德各一員掌侍從贊諭
職比常侍 增續文獻通考曰宋左右諭德各置二人

不常設

詳庶子內

遼左右春坊內各有太子諭德金左右諭

德掌諭太子以道德之事元左右諭德各一人明左右

春坊諭德各一人從五品在正五品庶子之下中允贊

善之上蓋左右春坊大學士典東宮上奏請及下啓箋

講讀之事審慎而監省之庶子諭德中允贊善各奉其

職而從焉原杜氏通典曰司議郎唐貞觀五年皇太

子上表請置史職用司箴誡乃于門下坊置太子司議

郎四人精選名士以居之龍朔中分為左右以左司議

郎替司議郎以右司議郎替舍人咸亨初復舊掌侍從
規諫駁正啓奏并錄東宮記注分判坊事職擬給事中
增續文獻通考曰遼左春坊內有太子司議郎元儲
政院置司議二人明左右春坊司直郎清紀郎之下有
司諫各一人

諭德中允贊善一

增司直郎

司議郎附

增東寮

唐書德宗拜崔芊為諭德芊對東宮曰臣不識朝廷典故見殿下合稱臣否東宮曰卿是東寮

自合知也

清班

又元稹制東宮之有諭德猶上臺之有騎省清班優秩所選非輕

修整

宋史留正為中書舍人光宗為太子自東宮朝顧見留正謂左右曰修整如此其人可知乃請于上兼太子左

諭德

忠實

又宋仁宗在東宮魯宗道為諭德一日真宗召之使者及門而宗道在肆中飲歸中使當

先入白與之約曰上若怪公來遲當托何事宗曰但以實告飲酒人之常情欺君臣子之大罪中使具以對真宗嘉之以為忠實可任也

辭樂章

又汪大猷字仲嘉太子初建東宮兼太子左諭德太子嘗出龍

大淵禁中所進侍宴樂章諭宮僚同賦大猷曰鄭衛之音近習為倡非講讀官所當預

書酒誥

元史蕭輔字惟斗博極羣書大德十一年拜太子右諭德扶病至京師入覲東宮書酒誥為獻以朝廷尚酒故也

輪日入宮

宋乾道七年詔庶子諭德輪日入宮

講經資善

宋史馮元通五

經真宗召元講易遣太子中允皇子為壽春郡王王旦又薦元宜講經資善堂乃擢左正言兼太子右諭德

耆德方正

又崔遵度字季白宋仁宗以壽春郡王開府詔宰相擇耆德方正有學術之士咸薦

遵度遂命與張士遜並為王友上作

屏鷹以見

元史

七言詩以寵之儲宮建命為左諭德

壬至正時以集賢大學士兼太子左諭德有壬前朝舊德太子頗敬禮之一日入見方臂驚鷹以為樂遽呼左

右屏

精簡宮僚

宗齊恢神宗出閭精簡宮僚韓琦薦其賢進太子左諭德也

賜

扶而出

元史李謙字受益至元十八年陞直學士為太子左諭德侍裕宗于東宮陳十事以進裕宗崩

世祖又命傳成宗于潛邸世祖深加器重嘗賜坐便殿燕飲世祖曰聞卿不飲然能為朕強飲乎因賜葡萄酒

一鍾曰此酒醉人恐汝不勝令三近侍扶掖而出

啓沃誠至

又焦養直字无咎至元時以集

賢院侍講學士詔傳太子于宮中啓沃誠至帝聞之大悅陞太子諭德

端本堂經訓

李

好文字惟中帝以皇太子年漸長開端本堂命皇太子入學以好文為諭德好文以孝經大學論語孟子中庸摘其要略釋以經義又取史傳及先儒論說有關治體而協經旨者做真德秀太學衍義之例為書十一卷名曰端本堂經訓要義奉表以進詔付端本堂命太子習焉

首論建置宮僚

宋史孝宗立皇

太子李彥穎為左諭德首論建置宮僚以為詹事于東宮內外無所不當省事須白詹事而後行司馬光論皇太子講讀官有奏疏錄以進上大喜行之

由薦舉輔東宮

明楊士奇名寓以字行由薦舉

授審理永樂五年陞左諭德輔東宮

聘布衣為諭德

續文獻通考英宗復辟知吳興弼之

賢命行人聘之既至京上謂李賢曰與弼當授何職賢對曰今東宮講學宜授宮僚次日召吏部命為左諭德與弼固辭上強之不可乃召入文華殿賜勅褒嘉賚以銀幣仍命行人送歸

疾風勁

草

天中記唐裴諤為史思明所得嘗疏賊短長以聞賊平除太子中允代宗幸陝諤徒步赴行在帝曰疾風

知勁草果然

誠意感動

宋史程顥熙寧初用呂公著薦為太子中允監察御史裏行前後進

說神宗以正心室欲求賢育才為言務以誠意感動主上

尋訪舊學

又辛文悅以五經教授宋

太祖幼時從其肄業周顯德中文悅久不接見一日夢邀車駕請見乃太祖也太祖亦夢其來謁因令左右尋

訪文悅果自至太祖異之及登位召見授太子中允

召試中書

又和嶠字顯仁太平興國中擢

進士第遷光祿寺丞獻所著文賦五十軸召試中書擢太子中允

改官翰林苑

明唐順

之李學詩墓表云昔官翰林者進士高甲與庶吉士兩途而已今天子以為不足以博求碩士遂改其制癸巳之歲得君等十有一人改翰林皆取之科道與部屬而君與余皆從吏部入東朝廷建君拜左春坊左中允兼修

撰

仍治太學

宋史胡瑗嘉祐初擢太子中允天章閣侍講仍治太學

薦文學

之臣

又尹洙以文學知名舉進士知伊陽縣用大臣薦召試為館閣校勘遷太子中允

選老

學之士

獻徵錄趙文字煥然洪武初授教諭歷任岳州府學教授太宗時詔選老學之士能講說者尚

書義

以文名上太宗召至御前面諭授左春坊左中

允賜宴俾輔仁宗于東宮文進講經史敷釋明盡應制

有作悉寓箴規審旨

別自為官

天中記唐咸亨制中允復舊而贊善大夫

嘉獎

以上中允

別自為官皆掌侍從

總裁大典

獻徵錄明陳濟字伯載貫通經史百家之

翊贊太子以規諷也

言會朝廷修永樂大典大臣有言之者以布衣召至為

都總裁時令內外詞臣暨太學生數千人繕閱中祕四

庫書浩瀚填委濟至詳定凡例區別去取莫不允愜書

成擢右春坊右贊善居輔導之職十有五年小心謹慎

未嘗少
有過差

官非諫職

天中記唐白居易初授左贊善大
夫盜殺宰相武元衡居易首上疏

請急捕賊以雪國恥宰相以宮官非諫職不當先諫官
言事會王涯倚撫居易他事謂其浮華無行貶江州司

馬
書稱先生獻徵錄天台徐善述字好古為太學博士永樂間陞司直郎進左贊善仁廟在

東宮以師禮待之詩文皆令改定致書稱之為贊善好
古先生及其卒痛悼不已自為文以祭及即位贈太子

少保謚

注戒子篇

宋史郭贄字仲儀太平興國初為
右贊善大夫兼皇太子侍講賜緋魚

文肅

太宗至東宮出戒子篇命贄注
解且令委曲講說以喻諸王

傳良知學

洪先字達

夫年十五聞王陽明講學虔中心即嚮往遂卑視舉子
業嘉靖八年廷對擢第一歷任左春坊左贊善疏請預
定東宮朝儀忤旨免歸即削迹城市闢居石洞四方紳
士請益者日衆嘗謂人曰世間豈有現成良知非萬死

工夫斷不能得今人誤將良知作現成看不知下致良知工夫奔放馳逐茫蕩一生有何成就語具所作松原

錄中

起居調護

元史王恂字敬甫劉秉忠薦之世祖召見命輔導裕宗擢太子贊善詔恂于太

子起居飲食慎為調護

性行峻茂

獻徵錄明李希顏號愚菴本夾谷隱士也性行峻茂貫酣

羣籍太祖用薦手書徵之南畿擇為諸王子師教法嚴毅雖諸王子有弗若教者或擊額以管帝撫而怒高皇
后問故曰惡有以堯舜訓爾子顧怒之邪帝威用霽立朝風節歸然名傳聞海宇授左春坊贊善大夫

極天下之選

宋史范冲字元長高宗時歷官侍讀會皇

制為資善堂翊善而朱震兼贊讀時冲震皆一時名德老成極天下之選上命建國公見翊善贊讀皆納拜

得出倫之才

金史金温特赫濟達登大定十三年女直進士科十九年為左贊善以母老求

養顯宗使內直謂綿遠曰贊善初未除此官天子謂孤曰朕得一出倫之才學問諛貫當令輔汝德義既數日贊善始除此官自謂親炙德義不勝其喜未可去也以上贊善

學士同班

明史汪廠字仲

魯號真一道人洪武初下徵賢之詔至則引見問義深愜帝意俾翼贊儲皇授承務郎左春坊左司直郎工亦日名侍講周旋于兩宮之間與朱善劉三吾二學士趨朝則同班賜坐則聯席人稱三老

學博陞

授

詳贊善內書稱先生注以上司直

記過之史

唐貞觀中置司議郎二人即古者記過之

史也清望之官

玉海敬播貞觀十八年皇太子表請置史職用司箴誠乃于門下坊置太子司

議郎四人精選名士以居之播與來濟為此官極為清望以上司議

諭德中允贊善二

增制唐授楊禎太子諭德制曰某官敬以安仁恭而合
禮相門華胄夙著清徽王邸元寮復膺高選屬肇開于
博望宜審諭于承華 李嶠授于復業太子中允制曰
某官志識端雅藝能詳洽既罷臺閣方驅節傳銅樓俟
俊銀榜翹賢漢水觀風且輟彤幃之務瑤山聽樂宜煦
黃離之景 蘇頲授吳昇太子左贊善制曰某官悟理
明達用心微妙博以才藝精于談吐西園月上亟聞飛
蓋之篇東陸春歸宜聽鳴笳之響 又授許誠感太子

司議郎等制曰某官或持邦憲才幹稱多或貳藩條公
勤克著青宮列侍元閣修文宜拜職于兩司仍佐軍于
三蜀

增詔宋以范冲為資善堂翊善詔曰朕為宗廟社稷大
計不敢私于一身選于屬籍得藝祖七世孫鞠之宮中
茲擇剛辰出就外傳宜有端良之士以充輔導之官博
觀在廷無以易汝冲德行文學為時正人乃祖發議嘉
祐之初乃父納忠元祐之際敷求是似尚有典型顧資

善之開史館經筵姑仍厥舊朕方求多聞之益實兼數
器之長施及童蒙綽有餘裕蔽行朕志宜即安之

增表唐皇太子請置史職表曰太子既冠成人乃有記
過之史是知姬誦登聞肇建此官劉啓升儲憲章斯義
故能通溫玉裕聲聞宸宮上有慰于皇情下無虧于物
議臣以幼年夙蒙天獎趨紫宸以遵禮仰黃屋以承歡
肅恭馳道恐或乖方晨昏視膳慮有違舛蒙泉始達必
俟後乘之觀離光未融懼寢前星之曜是以夙興夜寐

內省多憂延首讜言冀開童昧而魏晉以降不置此員
杜絕箴規何其甚謬伏惟陛下窮神稽古尚擇芻蕘之
言元覽文明猶開登石之路況臣沖藐未涉藝文出自
深宮便請監撫之重罕從鼓篋疇識絃誦之宜一德有
愆始憂睿念三朝登餽何以勝任所以冒敢陳聞請遵
故事願開史職用司箴誠是使緜載墜典復在聖朝資
此正人少建不逮

增書元李好文上宰相辭太子諭德書曰自非德堪模

範不足以輔成德性自非學成間奧不足以啓迪聰明
宜求道德之鴻儒仰成國家之盛事而某天資本下人
望素輕驟膺重託負荷誠難

中舍人一

原杜氏通典曰中舍人晉咸寧初置舍人四人以舍人
才學之美者為之與中庶子共掌文翰在中庶子下洗
馬上凡奏事文書皆綜典之監和嘗藥月檢奏直臣名
更直五日典文疏如中書郎宋亦四人齊有一人梁時

功高者一人與中庶子祭酒共掌其坊之禁令陳因之
後魏北齊並有之隋曰內舍人四員屬門下坊煬帝減
二人唐中舍人二員掌侍從令書奏疏通判坊事擬中
書侍郎永徽三年以皇太子諱忠改為內舍人太子遜
位而官復舊或謂之太子中書舍人

孝和實錄曰王友貞為太子中書舍

人

增文獻通考曰宋中舍人舍人至道天禧建儲各
置一人神宗欽宗登儲位皆置中興後省嘉泰初始除
王元實後以館職任伯起兼之慶元令太子舍人與中

舍人皆從七品而中舍人又在舍人之上然故事未嘗
除續文獻通考曰遼右春坊內有太子中舍人位次
右庶子下金元以後不置

中舍人二

原治文書

晉中興書惠帝在東宮以中舍人與中庶子共治文書

典文疏

王珣答徐

邈書中舍人典文疏位如中書郎

咸寧加名

晉中興書百官公卿志注咸寧初置中舍人

似黃門任

徐邈與王珣書或說中書舍人職居黃門不與中庶子中間出內

顧榮

秀望

顧榮詳太子舍人非中舍人也

陸雲才藻

傅亮文帝誌陸雲字士龍性清正有才藻

為中舍人

杜錫數諫太子

王隱晉書杜錫字世嘏為太子中舍人性亮直忠烈數進諫愍

懷太子

張敞不荅千秋

北堂書鈔吳地志張敞字弘源為東宮中舍人不輔會稽王嬖

人茹千秋曰中舍人名望久滿此侍公坐當盡拙言敞正色不為荅

太子洗馬一

原杜氏通典曰洗馬秦官漢亦曰洗馬

又按漢書汲黯及姊子司馬安

並為太子洗馬安文深巧善宦四至九卿

後漢員十六人職比謁者太子出

則當直者前驅導威儀也

漢選郎中補

安帝時太子謁廟洗

馬高山冠非乘從時著小冠魏因之晉有八人職如謁

者擬祕書郎進賢一梁冠黑介幘絳朝服掌圖籍釋奠

講經則掌其事餘後漢同

陸機鄧攸並為洗馬

宋與晉同齊置一

人梁有典經局又置八人掌文翰尤為清選皆取甲族

有才名者為之位視通直郎

梁庾於陵拜洗馬舍人如舊東宮局通為清選洗馬

掌文翰尤其清者近代用人皆取甲族有才名者時於陵周捨並擢充斯職武帝曰官以人而清豈限于甲族

時論美之

陳因之北齊典經坊洗馬二人隋曰司經局置洗

馬四人煬帝減二人唐司經局洗馬二人龍朔二年改

洗馬為司經大夫三年改司經局為桂坊

一云析司經局置桂坊

司經大夫通判坊事罷隸左春坊咸亨初復舊掌侍奉
及經史圖籍判局事 增續文獻通考曰遼南面司經
局有太子洗馬屬左春坊金司經正八品掌經史圖籍
筆硯等事明司經局洗馬二人校書二人正字二人洗
馬掌經史子集制典圖書刊緝之事立正本副本貯本
以備進覽凡天下圖冊上東宮者皆受而藏之校書正
字掌繕寫裝潢制典圖書詮其訛謬調其音切以佐洗
馬

太子洗馬二

原先馬

漢百官表如淳曰洗馬前驅也國語曰勾踐為夫差先馬先或為洗

孝聞

李晉

密為太子洗馬事祖母劉氏以孝聞

掌國籍

晉起居注武帝制洗馬八人掌國籍

典文

書

晉齊王攸與山濤書洗馬前後典文書佳才也

如謁者

擬祕書

並詳前杜氏通

典

洗馬清道

徐邈與王珉書

勾踐執戈

韓子云勾踐入官于吳執干戈為吳

洗馬

以嚴見憚

漢書汲黯孝景帝時為太子洗馬以嚴見憚

同官所推

文士

傳云江充為太子洗馬太子頗好游宴或闕朝侍嘗以五事諫之為同官所推

一時高選

起晉

居注東宮洗馬一時之高選

今之清選

齊王攸與山濤書云洗馬今之清選

以才

辨名

王隱晉書李密字令伯時人稱其才辨名為太子洗馬

以弱冠拜

晉書衛玠風神

秀異總角乘羊車入市見者皆以為玉人辟命屢至皆不就久之為太傅西閣祭酒拜太子洗馬

以

弱冠登

荀氏家傳邃字道元性簡靜解音樂善談論拜太子洗馬

清身潔已

晉書解系

字少連仲兄結字仲連次兄育字雅連並清身潔已仕皆洗馬

雅量弘齊

傳咸別傳友人魯仲

叔雅量弘齊思心邃遠遷太子洗馬咸云謬蒙朝恩忝授斯職喜得與此子同班共事也

篤敏有

思

晉齊王攸與山濤書武長嗣篤敏有思今東宮洗馬

才經文雅

荀氏家傳云邃拜太子洗

馬戴若思特相欽重作詩頌之

增引為洗馬

唐書魏徵與裴矩走入關隱太子引為洗馬

徵為洗馬

又隱士田游巖高宗幸嵩山親至其廬徵赴都進太子洗馬

我欲為

樂

太平御覽李綱隋時為太子洗馬太子勇宴宮臣左庶子唐令則奏琵琶又歌武媚娘曲綱曰令則官調

護乃自比倡優進淫聲惑視聽使上聞之豈不為殿下累乎臣請正其罪勇曰置之我欲為樂耳

臣

非得言

唐書隋太子勇廢文帝切讓官屬無敢對李綱獨曰陛下不素教故太子至此太子資中人得

賢者輔而善得不肖者導而惡奈何歌舞鷹犬纖兒使日侍側何特太子罪邪帝曰以汝為洗馬何不擇人綱

曰臣非東宮得言者帝

廊廟之才

天中記裴松之字世期宋武帝北伐

曰朕過矣擢尚書右丞

領同州刺史既克洛陽使居州行事宋國初建毛德祖使洛陽武帝敕之曰裴松之廊廟之才不宜久居邊務

今召為太

調護之寄

唐書蔣儼為太子右衛副率中宗在東宮儼爭過失不見用自

子洗馬

以不應諫于是田游巖山處士為洗馬儼貽書責之曰太子年鼎盛聖道有所未盡足下受調護之寄居責言

之地唯唯悠悠不出一談
尚何酬塞游巖愧不能答

給俸祇十千

天中記常衮為相先是百

官俸料薄衮奏請加時韓滉判度支與衮加各俸厚薄
由已太子洗馬實司經局長官文學為之貳衮有親任
文學者乃給十二千而給洗
馬祇十千其輕重任情如此

諭祭及五品

尹襄字舜

弼世宗朝與修武宗實錄進司經局洗馬經筵直講及
卒上念講臣特命有司諭祭前此五品非學士不予祭
蓋異數也

原陸機感恩賦詩

陸機皇太子清宴詩序元康四年秋余以太子洗馬出補

吳王
郎中

傅咸同班共事

詳雅量弘齊注

朝推文士選在陸機

機起家為
太子洗馬

時號玉人擢於衛玠

白帖

太子洗馬三

原詩梁王筠寓直中庶坊贈蕭洗馬詩曰龍樓實九重
薄寒起殊早玉階泣清露銅池結秋潦霜被守宮槐風
驚護門草之子擅文華縱橫富辭藻舒錦慙光麗握珠
謝奇寶媿予非工文何用披懷抱 陳江總贈洗馬袁

朗別詩曰賈誼登朝日終軍對奏年校文升廣內撫劍
入崇賢奇才殊豔逸將別愛流連驅車命鏡管拱坐面
林泉池寒稍下鴈木落久無蟬霧侵山扉月霜開石路
煙高譚無與慰遲爾報華篇

太子舍人一 通事舍人附

原杜氏通典曰太子舍人秦官也漢因之比郎中選良

家子孫

鼂錯鄭當時並為太子舍人

後漢無員更直宿衛如三署郎

中凡帝初即位未有太子太子官屬皆罷唯舍人不省

屬少府魏因之晉有十六人職比散騎中書侍郎從駕

則正直從次直守妃出則次直從

元帝大興元年以太子舅虞肅為舍人太

子奏曰舅甥當崇敬不欲降舅氏之親為侍臣詔乃轉肅為常侍

宋有四人齊有一人

梁有十六人掌文記

梁劉杳字仕深為舍人及昭明太子薨新宮建舊人例無仕者勅特

留杏
馬

陳因梁制後魏亦有之北齊典書坊置二十人隋

典書坊有八人煬帝改為管記舍人減四員唐復為太

子舍人四人掌侍從表啓宣行令旨分判坊事龍朔二

年改為右司議郎咸亨元年復舊 增唐六典曰凡皇

太子進表如諸臣之禮諸臣及宮臣上皇太子大事以

牋小事以啓其封題皆曰上於右春坊通事舍人開封

以進其事可施行者皆下於舍人與庶子參詳之然後

進不可者則否 原杜氏通典曰通事舍人齊中庶子

屬官有通事守舍人庶子下又有內典書通事舍人二人掌宣傳令旨內外啓奏梁亦有之視南臺御史多以餘官兼職陳因之北齊門下坊有通事舍人八人至隋亦有之煬帝改為宣令舍人八員唐復為通事舍人亦有八員掌引導辭見承旨勞問 增續文獻通考曰明詹事府屬通事舍人典東朝參謁辭見之禮及承令勞問之事

太子舍人二

原漢書曰文帝使晁錯詣伏生受尚書還拜太子舍人

漢雜事曰鄭當時景帝時為太子舍人每五日沐浴
常置驛馬長安諸郊存諸故人請諸賓客夜以繼日常
恐不徧 魏略曰張茂上便宜擢為太子舍人 山濤

啓事曰臣近舉汜源為太子舍人源見稱有德素久沉
滯舉為大臣欲以慰後聞之士 又曰太子舍人夏侯

湛有盛才而不長理人有益臺閣 晉諸公贊曰張華

博識多聞無物不知

一作問
無不知

盧浮高朗經傳有美于華

起家為太子舍人

宋書曰王僧達善屬文帝召見德

陽殿拜舍人

太子舍人三

原備絳衣

班彪便宜表云宜選師傅將相子孫好學有行者備絳衣舍人蓋領此也

掌表

啓

摯虞決疑云太子舍人晉置十六人掌表啓

課乙科

漢書成帝時太學弟子三千人王莽

秉政改課乙科通者二十人為太子舍人

通二經

摯虞決疑云太常弟子通二經補太子舍人

德望歷位

臧榮緒晉書程牧有清名德望歷位太子舍人

秀望累遷

晉中興書

顧榮字彥先南土秀望有清操為太子舍人

侯霸威重

東觀漢記侯霸字君房有威重為太

人子舍

袁良明經

華嶠漢書袁良明經為太子舍人

明帝善之

魏志張茂

字彥林太和中上便宜事百餘條明帝善之拜為太子舍人

陳准德器

晉諸公讚陳准字道

基有德器為

程牧清名

詳德望歷位注

舍人更直宿衛

續漢

太子舍人

書百官志太子舍人二百石無員更直宿衛如三署郎中

舍人今之清選

晉齊王攸與山

濤

摯虞以賢良拜

晉書摯虞字仲治少事皇甫謐才學通博著述不倦舉賢良擢為太

人子舍

卞敦以才識稱

晉八王故事卞敦字仲仁以才識清辨見稱為太子舍人也

夷甫以名門超

王隱晉書王衍字夷甫以名門超為太子舍人

元則以文

學舉

桓氏家傳範字元則魏太子始立以文學舉為舍人

山簡齊名嵇紹

晉書山簡

字季倫與譙國嵇紹沛郡劉謨弘農楊
淮齊名初為太子舍人累遷太子庶子

盧浮有美于

華

詳晉諸
公贊

潘岳神形清辨

王隱晉書潘岳字安仁神
形清辨能屬文為太子舍

人

華譚言語清辨

晉中興書華譚字令思少以
言語清辨知名除太子舍人

彥

輔性寡嗜慾

晉書樂廣字彥輔性冲約有遠識寡嗜慾
與物無競尤善談論每以約言析理以厭

人心裴楷常引廣共談自夕申旦雅相欽挹王戎為荊
州刺史聞廣為夏侯元所賞乃舉為秀才辟太尉掾轉
太子舍人

孝若秉心居正

晉齊王攸與山濤書孝若
秉心居正為太子舍人

孔

坦才名獨步

晉中興書會稽孔錄云坦字君
平以才名獨步補東宮舍人

祖納文

義可觀

又曰范陽祖錄云納字士言有操行以門
寒品能清言明理文義可觀遷東宮舍人

通

漢講說石渠

漢書儒林傳云通漢以禮生為太子舍人講說石渠也

季長校書

東觀

謝承後漢書馬融字季長年十三明經為太子舍人校書東觀也

鼂錯上便宜

事

史記鼂錯以文學為太常掌故孝文帝時天下無治尚書者獨聞濟南伏生故秦博士治尚書年九十餘

老不可徵乃遣錯受尚書伏生所還因上便宜事以書稱說遂詔以為太子舍人

潘尼上釋

奠頌

臧榮緒晉書潘尼字正叔拜太子舍人上釋奠頌

義府辭若讜直

晉王為太

子李義府除舍人獻承華箴末云佞諛有類邪巧多方其萌不絕其害必彰義府諂事太子而文辭若讜直者

太子表之

姚崇稱其遠到

唐書開元初蕭嵩為舍人時崔琳王丘齊澣皆有各人

優詔賜帛
以高少學術不以輩行許也獨姚崇稱其遠到

增崔元伯衆務修理

太平御覽後魏

崔元伯有雋才號曰冀州神童符融牧冀州虛心禮敬
拜陽平公征東記室出總庶政入為賓友衆務修理處
斷無滯符堅聞而奇
薛元敬文翰稱職唐書太宗時元敬為太子

舍人文
翰稱職

太子舍人四

原墓誌梁簡文帝太子舍人蕭特墓誌銘曰威鳳五色
朝陽千仞孫枝發響將雛流韻馥哉若蘭頌矣懷熊瑾
既誕子恒乃歡脣銀鈎之巧重世遙雋況此臨池蟬輕
露潤丹旄輕飛哀歌徐引隴水春惟山雲晚陣

崇文館學士

文學

校書

正字附

原杜氏通典曰崇文館學士魏文帝始置崇文館以王肅為祭酒其後無聞貞觀中置崇賢館有學士直學士員掌經籍圖書教授諸王屬左春坊龍朔二年改司經局為桂坊管崇賢館而罷隸左春坊兼置文學四員司直二員司直正七品上職為東宮之憲司府門北向以象御史臺也其後省桂坊而崇賢又屬左春坊後沛王賢為皇太子避其名改為崇文館其學士例與弘文館

同 文學漢時郡及王國並有文學而東宮無聞魏武

置太子文學

魏武為丞相以司馬宣王為文學掾甚為世子所親信

自後並無至

後周建德三年太子文學十人後省龍朔三年置太子

文學四員屬桂坊桂坊廢而屬司經開元中定制為三

員掌侍奉分掌四部書判書坊事 校書宋孝建中洗

馬有校書吏四人自後無聞北齊有太子校書隋太子

校書有六人唐四人掌讎校經籍

初弘文崇文二館置讎校開元六年省讎

校置校書弘文四員崇文二員

增續文獻通考曰明司經局校書二

人 原杜氏通典曰正字太子正字二員煬帝改為正
書唐復為正字亦置二人掌刊正文字 增續文獻通
考曰明司經局正字二人



御定淵鑑類函卷九十八

欽定四庫全書

子部

御定淵鑑類函卷九十九

一百

詳校官宗人府府丞臣寶光雅

主事臣祁韻士覆勘

總校官檢討臣何思鈞

校對官中書臣胡紹基

謄錄監生臣劉耀馥

欽定四庫全書

御定淵鑑類函卷九十九

設官部三十九

太子家令

丞

主簿

食官署

典倉署

司藏署

增典

府正司

延慶司

典用監附

太子率更令

太子僕

丞主簿

廄牧署

增僕正

副僕正

典牧監附

太子衛率

官屬附

太子司禦率

太子清道率

太子監門率

太子內率

太子門大夫

太子典膳郎

藥藏郎

內直郎

典設郎

增典食令

丞附

太子旅賁中郎將

皇太孫官屬

太子家令

丞主簿

食官署

典倉署

司藏署

增典

府正司

廷慶司
典用監附

原杜氏通典曰太子家令秦官屬詹事

服虔曰太子稱家故曰家令

漢因之有丞主倉穀飲食職似司農少府漢代太子食湯沐邑十縣家令主之後漢則屬少傅主倉穀飲食魏因之晉又兼主刑獄穀貨飲食職比廷尉司農少府其家令率更令及僕為太子三卿太康八年進品與中庶子二率同自漢至晉家令在率更下宋則居上銅印墨綬進賢兩梁冠絳朝服主內茵褥牀几諸供中之物及

官奴婢月用錢庫內鹽米車牛刑獄齊因之自宋齊以來清流者不為之

沈約為齊文惠太子家令

至梁天監六年武帝以

三卿陵替乃詔革選家令視常侍黃門陳因之後魏亦曰三卿北齊家令有功曹主簿領食官典食司藏等三署及領內坊令丞隋掌刑法食膳倉庫奴婢等煬帝改為司府令唐復為家令寺置家令一人唯不主刑法餘與隋同龍朔二年改家令寺為宮府寺家令為宮府大夫咸亨初復舊丞二人主簿一人領食官署典食署司

藏署署令各一人丞各一人 丞漢家令有丞後無聞
宋書云家令丞一人晉置宋齊以後並有之後周無隋
家令丞二人唐因之龍朔二年改為宮府丞咸亨元年
復舊掌判寺事 主簿晉家令有主簿宋齊因之自後
無北齊家令有主簿員隋亦然唐因之掌印并及勾舉
食官署令丞漢詹事屬官有食官令長丞後漢亦有
而屬少傅主飲食晉太子食官令職如太官令宋則屬
中庶子齊則屬詹事掌厨膳之事梁食官局屬庶子陳

因之後魏亦有北齊有食官令丞又別領器局酒局二丞隋家令寺統食官令丞令一人丞二人唐因之掌飲膳之事 典倉署令後漢太子倉令屬少傅主倉穀魏以下無聞後魏有之北齊家令寺領典倉署令丞典倉署又別領園丞隋家令寺統典倉令丞令一人丞二人唐因之掌穀藏出納及醯醢庶羞之事 司藏署令晉家令有主物吏四人梁有錫賜庫局丞庶子又有東宮衛庫丞北齊家令寺領司藏署令丞司藏又別領仗庫

興作二局丞隋家令統司藏署令一人丞二人唐因之

掌藏庫財貨營繕之事 增文獻通考曰宋有主管左

右春坊事二人以內臣兼同主管左右春坊事二人以武臣兼丞

受官一人以內侍兼仁宗神宗升儲位並有之中興後孝宗

光宗正儲位及莊文景獻太子皆置其官記纂淵海云本朝東宮有

六傳下至率更令僕故官存而無職司遼史曰遼太子家令寺設家令

丞主簿又有皇太子惕隱司掌皇太子宮帳之事又有皇太子祗應司金史曰金家

令丞掌營繕栽植鋪設及燈燭之事 元史曰元家令

司令丞典簿各二員照磨一員掌皇太子飲膳供帳倉

庫嘗改內宰司後復明不設司藏金置司藏副掌

庫藏財貨出入之事元因之司倉金置司倉副掌倉

廩出納薪炭等事儲膳司元置卿少卿丞主簿照磨

掌皇太子飲膳之事

即食官署職

附元又有典幄署掌太

子供帳令丞各二員府正司掌鞍轡弓矢等物府正

府丞典簿各二員照磨一員改宮正司後復舊延慶

司掌修建佛事使二人同知一員副使典簿各二員照

磨一員後置卿丞等員 典用監卿四員大監少監丞
各二員經歷知事照磨各一員掌供須文成藏珍三庫
內府供給段疋寶貨等物 典寶監卿大監少監丞各
二員經歷知事各一員

太子家令二

增掌刑法

具威儀

唐書官品志云家令掌刑法食膳倉庫什物奴婢等事 事文類聚

云凡皇太子備禮出入則乘輅車具威儀先諸臣以導引

原職如司農 品比廷

尉續漢書百官志云太子家令一人秩千石職如司農 下詳通典

增陸亮忠心

譙周疏諫

忠事文類聚云晉武帝詔曰太子家令陸亮有

子以周為家令後主頗出遊觀增廣聲樂周上疏諫

婢識座客

文號宮體

事

類聚云沈約嘗侍宴梁武帝有妓師是齊文惠太子宮人帝問識座中客否對曰惟識沈家令約伏地流涕帝亦悲焉為之罷酒事文類聚云梁徐摛屬文好為新變不拘舊體為皇太子家令兼管書記文體既別春坊盡學之宮體之號自斯而起

影斜方出

休沐不歸

事文類聚云齊文惠太子

入居東宮沈約為步兵校尉管書記時宮中多士約特被親遇每旦入見影斜方出尋選太子家令元史云楊多爾濟仁宗居東宮以為大中大夫家令丞日夕侍側雖休沐不至家衆敬憚之輔導德義

服勤守恪

元史云秦起宗累遷太子家令司典簿官上言東宮官屬輔導德義財賦非所治也

朝廷是之元史云王倚世祖選良家子入侍東宮倚
年弱冠太保劉秉忠深器重之即以充選倚服勤守恪
遂見信任有詔皇太子裁決天下事倚知無不言立東
宮官屬以倚為家丞又置儲用司掌貨幣出納令倚兼
之

太子家令三

原鼂錯智囊

漢書云鼂錯為太子家令以奇辯得幸太子家號曰智囊是時匈奴強數寇邊上發

兵以禦之錯上言兵事

疏受恭謹

漢書云疏受以賢良舉為太子家令受好禮恭謹敏而有

辭宣帝幸太子宮受迎謁應對

進品第五

晉起居注云太康八年詔曰太子家令進品第五

東宮達官

晉起居注云武帝太康八年詔曰太子家令東宮之達官也

太子率更令一丞主簿附

原杜氏通典曰太子率更令秦官

掌刻漏故曰率更

漢因之有

丞主簿庶子舍人更直職似光祿勳而屬詹事後漢因
之後屬少傅魏因之晉主宮殿門戶及掌罰事職如光
祿勳衛尉而屬詹事宋制銅印墨綬進賢兩梁冠絳朝
服梁陳後魏並有之北齊領中盾署掌周衛禁防漏刻
鐘鼓亦屬詹事隋掌伎樂漏刻有令丞錄事各一人唐
因之加掌皇族次序及刑法事龍朔二年改率更寺為

司更寺改令為大夫咸亨初復舊丞主簿各一人丞
後漢率更置丞一人歷代悉有唯後周無唐因隋掌判
禮樂刑罰之事主簿晉置一人宋無齊有之自後無
聞北齊隋又有之唐因之掌印及勾舉增記纂淵海
曰宋無職司遼史曰太子率更寺設太子率更令丞
主簿金元明皆不設

太子率更令二

增職掌宗族

位亞家率

太平御覽云率更令職掌宗族次序禮樂刑罰及刻漏之

政令凡皇太子釋奠於先聖先師講學齒胄皆總其儀注而為之導引 太平御覽云若皇太子備禮出入乘

輅車位亞家率焉

知幾介直

德誠謹恪

唐書云劉

唐六典作家令

時擢太子率更令介直自守累歲不遷

元史云尉遲

德誠字信甫歷官太子率更丞遷家令司丞仁宗以為

謹恪嘗賜酒帛得侍左右

原主宮殿之禁掌周衛

數薦士出則未嘗詔人

之防

續漢書百官志云率更令秩千石掌宮殿門戶之禁

下詳通典

太子率更令三

原清賢士

物理論云今呂子義清賢士也為太子率更令

嚴毅清高

物理論云呂子

義為太子率更令有人就之宿者而非其數度云云

職似光祿勳

詳通典

秩與

衛率同

晉起居注云武帝太康八年詔曰太子率更令其進品第五秩與衛率同

增博物

洽聞皆出其下

隋書云明克讓轉率更令進爵為侯太子以師道處之恩禮甚厚有四方珍味

輒以賜之於時東宮盛徵天下才學之士至於博物洽聞皆出其下

尺牘所傳人以為

法

唐書云歐陽詢初倣王羲之書後險勁過之因自名其體尺牘所傳人以為法貞觀初歷太子率更令

太子僕一

丞主簿副僕正

典牧監附

增僕正

原杜氏通典曰太子僕秦官漢因之又有長丞主車馬

太子廄長一人亦主車馬

後漢因之屬少傅職如太僕太子五日一

朝其非太子朝日即令中允入問起居魏因之晉主車

馬兼主親族如太僕宗正從駕乘安車次家令而屬詹
事宗齊並有之梁視黃門郎陳因之後魏亦有北齊詹
事領僕寺置令丞功曹主簿領廐牧署令隋僕寺置僕
一人掌皇族親疎車輿騎乘領廐牧署令唐因之加掌
儀仗喪葬而不掌親族龍朔二年改僕寺為馭僕寺改
僕為大夫咸亨初復舊丞主簿各一人統廐牧署丞
梁有之後魏北齊隋並有之唐因之主簿晉置宗無
齊有之梁陳後魏無北齊隋皆有之唐因之廐牧署

令丞漢有太子廐長丞屬詹事後漢亦有而屬少傅主車馬魏晉因之齊東宮屬有內廐局外廐局皆有丞梁陳因之後魏有之北齊則曰廐牧署令丞車輿局丞隋僕寺統廐牧署令丞唐因之掌車馬閑廐牧畜之事

增記纂淵海曰宋無職司 遼史曰遼太子僕寺設太

子僕丞主簿 元史曰元太子僕正掌車正收弓箭儀物事又太子副僕正掌貳僕正 典牧監元置卿大監少監丞各二員經歷知事照磨各一員掌孳畜之事

明不設

太子僕二

增親馭

番休

六典曰皇太子之車輅三曰四望凡太子備禮而出

則率廢牧令進輅僕親馭焉唐書于志寧傳東宮僕御舊得番休太子不聽志寧為詹事上疏極言

如太僕

擬宗正

續漢書百官志云太子僕職如太僕主馭下詳通典

太子僕三

原太子僕主車馬

續漢書百官志云太子僕一人秩千石主車馬

蔣顯為太

子僕鍾會愛其才學

蜀志云蔣顯為太子僕鍾會愛其才學

太子左右衛率一官屬附

原杜氏通典曰衛率府秦官漢因之屬詹事後漢主門衛徵循衛士而屬少傅魏因之晉武帝東宮置衛率初曰中衛率太始五年分為左右衛率各領一軍惠帝時愍懷太子在東宮又加前後二衛率

晉志曰凡太子出前衛率導在前黃

麾左右二率從使導輿車後衛率從在烏皮外並帶戟執刀其服並視左右衛將軍

成都王穎

為太弟又置中衛率是為五率及江左省前後率孝武

太元中又置宗齊止署左右二率

齊沈約為太子右率又徐孝嗣自吏部

尚書轉領太子右率臺閣事多以委之沈文季亦嘗為此官

梁二率視御史中丞

銅印墨綬武冠絳朝服左率領七營右率領四營陳二率後魏曰左右衛率北齊謂之左右衛率坊後周東宮

有司戎司武司衛等員隋曰左右率兼有副率二人

文帝

以太子勇預知時政欲重宮官之資故以大臣領其職蘇孝慈自兵部尚書拜右衛率尚書如故上將廢太子出為湖州刺史煬帝改左右衛率為左右侍率兼置副

率二人唐為左右衛率府龍朔二年改其府為左右典戎衛咸亨元年復舊置率各一人領兵宿衛督攝隊伍

總判府事

李靖為中書令行左衛率轉兵部尚書

副率二人

掌武率事

長史各

一人隋置唐因之掌通判自長史以下胄曹以上諸率

府並同錄事參軍各一人隋置唐因之掌勾稽監印

倉曹參軍各一人隋置唐因之掌官員假使儀式糧廩

膳羞田園公廨過所監藥等事兵曹參軍各一人隋

置唐因之掌府內衛事以上名帳差科及公私馬驢等

胄曹參軍各一人隋置為鎧曹唐長安中改為胄曹

參軍神龍初復為鎧曹太極中復為胄曹掌軍器儀仗

公解營造罪罰長史以下官局所領職務諸率府並同

親府勳府翊府中郎將各一人梁左右衛率共領十
一營二率各領殿中將軍十人員外將軍十人北齊左
右衛率坊各領騎官備身員外又有內直備身正副都
督隋左右衛率下直閣四人直寢八人直齊直後各十
人唐則曰親勳翊三府各置中郎將左右郎將各一人
唐置錄事兵曹參軍各一人 增文獻通考曰宋制左
右衛司禦清道監門內率府率率府副率不常置中興

後惟監門率府副為環衛階官 遼史曰遼置同唐

續文獻通考曰金左右衛率府掌周衛導從儀仗屬宮
師府 事文類聚曰元置太子左右衛率府率掌同衛
導從儀仗事 續文獻通考曰明太祖初置皇太子左
右率府都督同知後罷

太子左右衛率二

增總諸曹事 備東宮官

六典曰左右衛率掌東宮兵仗羽衛之政令總諸曹之事

凡親勲翊三府及廣濟等五府屬焉副率為之貳 續
文獻通考云遼制太子上有師保下有府率東宮備官

也

王琳並徵

謝莊獨秀

沈約宋書云元嘉中以王琳謝弘並徵為太子右衛

率事文類聚云袁淑為左衛率謝莊為太子中庶子時南平王獻赤鸚鵡詔羣臣為賦淑文冠當時作賦畢示莊及見莊賦歎江東無我卿當獨秀我若無卿亦一時之傑遂隱其賦

褚翼材藝

徐摛綺豔

晉中興書曰褚翼少失父以材藝堪幹立名肅祖即位徵拜屯騎校尉遷太子左衛率

山堂肆考云東海徐陵父摛為太子左衛率陵及其子儉並為抄撰學士父子東宮恩寵莫比陵儉文並綺豔故時號宮體

原郗恢為黃門領

吳隱以博士為

晉中

典書云郗恢為給事黃門侍郎領太子右衛率烈宗以為有蕃伯之望擢為雍州刺史
晉書云吳隱以太學國子博士為左衛率
裴康裴楷並為名士
石崇孫尹皆其選

也

喬潭冀州記云裴康字仲預楷字叔則並為名士至太子衛率山濤啓事云太子左衛率缺石崇孫尹

忠篤有武才文

武皆其選也

太子左右衛率三

增視中丞

唐書官品志云左右衛率各一人位視御史中丞

各置尉

唐書官品志云

左率領果毅統遠立中建寧凌鋒夷冠祚德等七營右率領崇榮永吉崇和細射等四營二率各置尉

身居三職

事文類聚云唐李大亮拜左衛大將軍十七年晉王為皇太子東宮僚屬皆盛選宗臣又

以大亮兼太子右衛率俄兼工部尚書身居三職宿衛兩宮甚為親信大亮每當直必通宵假寐太宗勞之曰

當公宿直

我便安卧

年甫十六

元史云郝彬字景文年十六充太子宿衛

為左右

廂衛

六典曰凡元正冬至皇太子朝宮臣及諸方使則率衛府之屬以儀仗為左右廂之衛

從

皇太子行

六典曰若皇太子備禮出入則如鹵簿之法以從皇太子行

原舊規中

領護

晉令云左右衛率品第五舊規中領護

主門衛秩千石

如淳注漢書百官儀

云衛率主門衛秩千石續漢百官表云衛率一人主門衛士

先民一時儁彥

臧榮緒晉

書云徐邈字先民姿性端雅一時儁彥

茂仲動可觀探

荀氏家傳云慄字茂仲山濤舉

為右衛率清和履正從容顧問動可觀探也

泰始分置左右

晉公卿禮秩云晉武置衛

率令一人泰始分置左右率一人領兵各五千人也

四率精兵萬人

晉制有左右前後四

衛率徐邈建元為前衛

晉書云徐邈建元中為太子前衛率

卞郭可式

遏邊境

晉中興書云卞郭除右衛率時賊侵逼淮泗中宗求可以式遏邊境者公卿舉郭也

將

順匡救拾遺補闕

咸榮緒晉書云徐邈為前衛率在東宮朝夕入見將順匡救拾遺補闕

侍衛威重宜得其才

山濤啓事云左衛率缺侍衛威重宜得其才無疾患者城陽太

守石崇河東太守焦勝清貞信義皆其選也

太子左右司禦率

原杜氏通典曰隋文帝置左右宗衛其官制如左右衛各掌以皇族侍衛煬帝改為左右武侍率唐復為左右宗衛率府龍朔二年改為左右司禦衛後改為率府焉

神龍初復為宗衛景雲二年復為司禦率府置率各一人所掌與左右衛率同

副率以下職亦同他准此

副率二人長史錄

事及倉兵曹參軍各一人增續文獻通考曰遼南面

有太子左右司禦率府金置同遼元明不設

太子左右清道率

原杜氏通典曰隋有左右虞候各置開府一人掌斥候伺姦非長史以下如左右衛煬帝改開府為左右虞候并置副率二人唐為左右虞候率府職擬左右金吾龍

朔二年改為左右清道衛神龍初又為虞候率府開元初為清道率府各置率一人掌斥候道路先驅後殿伺察姦非副率二人長史錄事及倉兵曹參軍各一人

增文獻通考曰宋至道元年東宮置左清道率府副率兼左春坊謁者主贊引真宗登位省仁宗在東宮復以郭承慶夏元亨為之登位復省 遼史曰遼有太子左右清道率府 金元明不設

太子左右監門率一

原杜氏通典曰隋左右監門率各置一人掌諸門禁煬
帝改為監門將軍唐復為左右監門率擬左右監門龍
朔二年改為左右宗掖衛咸亨初復舊垂拱中改為鶴
禁衛神龍初復舊各置率一人掌門禁籍帳副率二人
長史錄事參軍及兵曹二曹參軍各一人 增宋史曰
左右監門官存而無職司 續文獻通考曰遼有太子
左右監門率府金有左右監門掌門衛禁鑰 事文類
聚曰元置各掌門衛禁 明不設

太子左右監門率二

增選才儁士

元史云高麗至元初立燕王為皇太子選才儁士充官屬以鵬掌藝文兼領中醢宮

衛監門事又兼作皇太子宮規制之善帝嘉之錫以金幣殿馬宿衛宮中王著等殺阿哈瑪特鵬叱衛士捕擒之

改為宮門候

事文類聚云隋文帝置各有直長十人左右監門率各一人煬帝改為宮門候

率屬牙門左右

事文類聚云唐左右監門率府掌東宮禁衛之法凡東宮諸司應以籍入

于宮殿者皆本司具其官爵姓名牒門司門司送于監門監門與判曹印署送于門司門司會之同則聽入凡東宮內外門之守者並司其出入凡財物器用之出入于宮禁者皆以籍傍為據左右監門以出入之若皇太子出入則依鹵簿之法率其屬于牙門之左右以為捍守

太子左右內率一

原杜氏通典曰隋置左右率副率各一人掌領備身以

上

所領千牛以下
與千牛衛同

禁內侍衛供奉兵仗唐為左右內率

府龍朔二年改為左右奉裕衛咸亨初復舊各置率一

人掌侍衛左右供奉兵仗副率長史錄事參軍及兵曹

各一人千牛各十六人掌執細刀弓箭宿衛侍從備身

各二十八人掌宿衛侍從龍朔二年改太子左右千牛

備身為太子左右奉裕尋復舊 增遼史曰遼有太子

左右內率府與禦率府同 金元明不設

太子左右內率二

增旌孝行

備宿衛

唐書云永淳中以雍人元讓為太子右內率府長史旌孝行也讓弱

冠明經擢第以母疾遂不求仕躬親藥膳不出閭里十餘年及母終廬于墓側蓬髮不櫛沐菜食飲水而已咸亨中孝敬監國下令表其門閭至是巡察使奏讓孝悌殊異由是拜職元史云張九思入備宿衛裕皇居東宮一見奇之以父蔭當補外特留不遣江南既平宋庫藏金帛輸內府而分于東宮者多置都總管府以主之九思以工部尚書而兼府事

判諸曹官吏

奉太子弓矢

太平御覽云左

右內率府長史掌判諸曹官吏新唐書云率副率掌千牛供奉之事皇太子生日領千牛升殿射於射宮則

千牛奉弓矢立東階西面率奉弓副率奉矢決拾北面
張弓左執弣右執簫以進副率以弓拂矢而進各退立
於位既射左內
率啓其中否

太子門大夫一

原杜氏通典曰秦有太子門大夫漢因之員二人

漢官儀曰

門大夫選四府掾屬

職比郎將

漢官儀曰安帝時太子謁廟門大夫乘從冠兩梁冠

魏因之

晉太子門大夫准公車令掌通牋表及宮門禁防宋因
之梁代視謁者僕射陳因之北齊謂之門大夫坊併統
伶官隋煬帝改門大夫為宮門監唐初為宮門大夫今

宮門局有郎二人丞二人郎掌宮門殿門管鑰及啓閉之事丞貳之 增遼史曰遼置宮門局設宮門郎

太子門大夫二

原鼂錯遷博士

金欽舉明經

漢書云鼂錯受高書伏生所還因上書稱說詔

以為太子舍人門大夫遷博士 漢書云金欽舉明經為太子門大夫

增掌內外管鑰

通遠近牋表

六典曰宮門郎掌內外宮門管鑰之事凡宮殿門夜漏盡擊漏鼓開夜漏上水

一刻擊漏鼓閉每歲終行儺應經所由門並先一刻早開若皇太子不在則閉東宮正門其宮城使宿衛人應入宮殿者各於左右廂便門出入至皇太子還仗乃開 晉書云門大夫局准公車令班同中舍人主通遠近

殿表宮門禁防

班同中舍人

職比城門郎

見上晉書唐書云龍朔二年

改門大夫為宮門郎職比城門郎

太子門大夫三

原職比郎將

續漢書百官志云太子門大夫秩六百石職比郎將

擬公車令

又

太子門大夫職擬公車令

增天悟絕人

新唐書云呂才天悟絕人麟德中為太子司更大夫

並侍左右

新唐書云張暉太宗平內難召暉拜宮門郎與姜皎崔滌李令問王守一薛伯陽等

並侍左右

太子典膳郎

藥藏郎增典食令

內直郎丞附

典設郎

原杜氏通典曰太子典膳郎漢魏以來並有太子食官

局至北齊門下坊始別置典膳局有監丞各二人隋如

北齊制唐典膳局有郎二人丞二人郎掌進膳嘗食事

丞貳之

乾封元年皇太子久在內不出典膳丞邢文偉請減膳上啓曰竊見禮大戴曰太子既冠成人

免於保傅之嚴則有司過之史徹膳之宰史之義不得不書過不書則死之宰之義不得不徹膳不徹則死之

近代以來未甚談議不常接見三朝之後但與內人獨居何由發揮聖智使濬哲文明者乎今史雖闕官宰當

奉職忝備所司不敢逃死謹守禮經遽申減膳其年右史闕宰臣進擬數人高宗曰邢文偉嫌我兒不讀書不

肯與肉喫此人甚直可用遂拜焉

藥藏郎北齊門下坊領藥藏局有

監丞各二人侍藥四人隋如北齊之制唐藥藏局有郎
二人丞二人郎掌和劑醫藥之事丞貳之內直郎齊

有太子內直兵局內直兵史二人梁有直內主璽主衣
扶持等局各置有司以丞其事陳因之北齊門下坊領
殿內局有內直監二人副監一人隋如北齊制唐內直
局有郎二人丞二人掌符璽繖扇几案衣服之事丞貳
之典設郎南齊置居局齊庫丞一人梁齊內局各置
有司以丞其事陳因之北齊門下坊有齊師局有太子

齊師內閣師各二人隋如北齊制唐典設局有郎四人掌凡大祭祀湯沐灑掃鋪陳之事 增事文類聚曰元

置太子典食令典食丞掌侍奉般饌又掌飲丞各一人

掌奉香藥酒等事

六典曰每夕局官於廚更直 元史云舒穆魯明里中統初世祖令侍臣送

明里于裕宗令典膳事已而世祖命裕宗令從人十人行賞賜金縷衣一襲

藥藏郎元史

曰元置太子侍藥太子奉藥常承奉醫藥

在門下坊

又置典

醫監領東宮太醫修合供進藥餌達嚕噶齊二員卿三

員丞二員經歷知事各一員

其屬廣濟提舉司一行典藥局一典藥局一

內直郎事文類聚曰元置太子侍正掌冠帶衣服左右給使之事丞隋侍丞輔丞之事

太子旅賁中郎將

原杜氏通典曰旅賁中郎將一人職如虎賁中郎將宋初制天子有虎賁習武訓也諸侯有旅賁禦災害也唐諸率府初有中郎郎將官永徽元年以太子名忠改諸率府中郎將為旅賁郎將其郎將改為翊軍後或改或省

皇太孫官屬

原杜氏通典曰唐永淳元年三月立皇孫重昭為皇太孫將置府僚高宗召吏部郎中王方慶問曰前代故事如何方慶進曰臣按周禮有嫡孫漢魏以來皇太子在亦不立太孫晉惠帝永寧元年立愍懷太子第三子襄陽王尚為皇太孫太子官屬即轉為太孫官屬南齊永明十年文惠立太子長子南郡王昭業為皇太孫便居東宮今皇太子在而立太孫旁求載籍未有前例上曰

自我作古可乎對曰五帝不相沿樂苟不失上下之序
不虧政理之道亦何事而不可詩曰貽厥孫謀以燕翼
子禮曰君子抱孫不抱子孫可以為王父尸以其昭穆
同也今陛下肇建皇孫創斯盛典所以彰子孫千億之
盛福祚靈長之應也上悅使方慶詳求典故官屬員品
乃奏太孫府置師傅友文學祭酒及長史曹掾主簿管
記司錄以下六曹從事等官各加王府一級上後頗以
為疑竟不補授而止 增玉海曰唐天授二年置皇孫

府官 元史曰元至元二十六年皇孫出鎮懷孟帝為
選老成練達舊臣護之乃以屬王倚陞辭帝目之良久
謂侍臣曰倚修潔人也左右皇孫得人矣及行營幕所
在軍政肅然 續文獻通考曰明成祖時命內閣胡廣
等輔導皇長孫永樂九年皇太子命楊榮等侍諸皇孫
讀書文華後殿又傳上命令翰林院吏部官舉老成正
大儒者侍皇太孫講讀尚書蹇義及楊士奇舉侍郎儀
智上喜之令侍太孫講讀

御定淵鑑類函卷九十九